



**Alberto Groeneveldt:**  
**“E ta un negligencia cu a pasa na  
mi cas y mi ta para p’e”**

*Pagina 3*

- **Fraccion MAS y AVP  
a entrega mocion  
di desconfiansa  
contra minister  
Glenbert Croes**

*Pagina 2*


- **Aduana cu  
walkout pa edificio  
no adecua pa  
trahadonan**

*Pagina 4*

- **Leonardo Figaroa:  
Periodismo di  
calidad ta raporta  
hechos y tur banda  
di medaya**

*Pagina 6*

**Amsterdam lo prohibi  
construccion di hotelnan  
nobo den e ciudad**



*Pagina 9*

**Presidente  
Frances  
cu yamado  
pa sancion  
mas estricto  
contra Iran**

*Pagina 23*



**Bolivia ta acusa Argentina di  
busca confrontacion**



*Pagina 10*



## Fraccion MAS y AVP a entrega mocion di desconfiansa contra minister Glenbert Croes

**Na final di e reunion publico cu a tuma luga dia-mars 16 di april den Parlamento di Aruba, na unda minister di Labor, Energia y Integracion, Glenbert Croes a rindi cuenta y a contesta diferente pregunta ariba loke ta su maneho den e tema di migracion, fraccionnan MAS y AVP a entrega mocion di desconfiansa contra e minister aki.**

Tabatin un total di dos mocion cu a ser entrega na final di e reunion publico. Mocion number uno tabata e mocion di desconfiansa contra minister Croes, entrega pa lider di fraccion MAS, parlamentario Marisol Lopez-Tromp y respalda pa fraccion AVP di partido MAS y AVP.

Mocion number dos tabata un mocion di fraccionnan ACCION21 y RAIZ den cual nan ta urgi Gobierno di Aruba pa regularisa temporalmente personanan indocumenta cu ta cumpli cu rekisitonan pa salvaguardia y promove interes general. E

mocion ta indica cu den caso cu minister Croes no por cumpli cu e deseo, ta pidi pa bolbe parlamento den 90 dia cu un splicacion pakico no por haci esaki.

Pa loke ta mocion number un di fraccion MAS y AVP, e mocion di desconfiansa contra minister di Labor, Energia y Integracion, Glenbert Croes, e base di e mocion aki ta e falta di maneho di parti di e minister en cuestion pa cu e cartera aki.

Parlamentario Lopez-Tromp a remarca cu nan ta entrega e mocion pasobra nan no tin niun confiansa mas den minister Glenbert Croes su manera di maneho, su proceduranan, su falta di transparencia y otro puntonan.

“Nos a splica hopi cla cu nos ta retira nos confiansa den su persona como minister pa guia procesonan pa pais Aruba y consecuentemente nos lo vota sosten pa cu e mocion cu nos mes a entrega,” el a subraya.

Pa loke ta e mocion di fraccionnan ACCION21 y RAIZ, el a splica cu na e manera cu e mocion ta skirbi y con e ehecucion mester ta, Lopez-Tromp a ratifica cu nan no tin confiansa pa esaki sucede den minister Croes su man.

“Un proceso manera esaki ta importante pa pais Aruba, pero nos a bisa caba cu nos no ta confia e pa ehecuta e procesonan aki. Kiermen consistentemente nos no por sostene e pensamiento aki y nos ta dicidi den e caso aki pa abstene di vota riba dje pasobra e ta esun cu lo mester ehecute,” el a enfatisa.

Pa loke ta votacion riba e mocion di desconfiansa, 12 parlamentario a vota contra, cual tabata fraccionnan di MEP y RAIZ y parlamentario independiente Rycond Santos do Nascimento. Fraccion AVP y MAS y parlamentario independiente Gerlien Croes a vota na favor di e mocion aki y fraccion ACCION 21 a abstene di vota.



## XI Sustainable Education Symposium Aruba 2024 lo tuma luga cu e topico “Ban Planta”

**Ayera diaranson, Biblioteca di Aruba a anuncia cu for di dia 22 te cu 26 april ta bay tuma luga e XI Sustainable Education Symposium Aruba 2024, un simposio di sostenibilidad di Biblioteca Nacional Aruba.**

For di 11 aña caba, nan ta bin organisando e simposio e cual tabatin varios luna di deliberacion y di pensamentonan pa trece dilanti, e aña aki e simposio ta bay tin e lema di “Ban Planta” manera director di Biblioteca Nacional Aruba Astrid Britten a informa.

Esaki ta bay cuminsa dia 22 di april te 26 di april pa scolnan secundario cu invitadonan importante como orador manera Gregory Fung A. Fat presidente di United Farmers Aruba, Roselinde Barros-Poels propietario di Living Soil Aruba, Rendell de Kort, economista di Desaroyo di Cornerstone Economics, e cunukero Diego de Cuba y tambe Ludwig Rasmijn. Nataly Maduro director di



Santa Rosa a splica cu esaki ta nan di 10 aña consecutivo cu nan traha hunto cu Biblioteca Nacional Aruba pa motibo cu ta un conferencia pa scolnan secundario pero nan ta mira cu produccion di cuminda mundialmente ta hayando

hopi atencion, cu tin hopi limitacion pa cu e cambio climatico y produccion di cuminda ta birando mas dificil.

Maduro a sigura cu loke nan kier logra ta pa e muchanan di scolnan secundario por

wordo stimula den studionan cu tin di haber cu e area di produccion di cuminda y mediante varios presentacion nan kier ilustra con plantamento ta bin cambiando den tempo y cu e tecnologia. Di su parti, Ronny R. Al-

ders ken ta e coordinador di e simposio aki a declara cu esaki ta basa den e metanan di desaroyo sostenibel number 15 e cual tin un tema importante ya cu mundo a pasa den calamidad di virus di Covid-19 loke a duna tempo pa pensa kico ta importante ora hendenan mester tin cuminda riba mesa. “Nos mester planta mas y importa menos cuminda pa nos mes aki na Aruba,” el a sigura.

Pa diahuebs 25 di april lo tin un “Evening of letters” e cual ta bay tuma luga na Cas di Cultura pa comunidad en general sin ni un costo, portanan ta habri 5.30 y evento mes ta cuminsa 7 or y lo caba 9 or di anochi cu e presencia di venders cu nan produccion sostenibel di calidad.

Pa e motibo aki nan ta invita comunidad di Aruba pa bay na Cas di Cultura dia 25 di april pa scucha e expertonan den area aki cu tambe lo tin un panel di pregunta di publico.



*Alberto Groeneveldt*

## “E ta un negligencia cu a pasa na mi cas y mi ta para pe”

**Dia 27 di maart, a traves di un potret hopi sensitivo di Luna Foundation Aruba Inc., Aruba a conoce un caso di maltrato di bestia cu a bay viral unda tabata ilustra e situacion di un mama cacho y su puppies. Bon Dia Aruba a bay busca e otro banda di medaya, unda a logra entrevista Alberto Groeneveldt, e doño di e cacho cu a muri cu tabatin e nomber di “Blaky” pero el a bira conoci como “Khaleesi.”**

Den e ehercicio di periodismo responsabel mester scucha e dos banda. Den e caso aki, a busca e derecho di replica (Hoor en wedehoor) di Groeneveldt varios siman atras, pero no por haya ni un reaccion di dje. Finalmente par dia atras el a acepta di bin dilanti cu tres medio di comunicacion so (Telaaruba, Viral 297 y Bon Dia Aruba) pa conta su historia.

Groeneveldt a cuminsa e entrevista pidiendo “un disculpa na tur hende na Aruba y tambe mundialmente di e sucedido cu a pasa na mi cas, e ta algo cu ta un fout, un negligencia,” el a sigura.

Den su opinion, Groeneveldt ta sigura cu e no a maltrata su cacho, ni a dal e, ni a bati e. E ta afirma cu e tabatin mas cacho den su cura di cas cu tambe tabata mara y tabatin e



mesun cadena y otronan tabata los, segun e ta conta.

E ta continua splica cu e mester a mara su cacho pa motibo cu den su bario tin problema y ta zundra over e cachonan cu tabata los. “A yega un punto cu mi tabata traha asina hopi, mi ta asina bezig cu m’a mara un par di cachonan cu nan tabata keha mas tanto di dje. Lamentablemente esey a pasa den mi cura, for di day one mi a tuma mi responsabilidad, mi a bisa Luna Foundation kico por haci? Den kico mi por aporta of paga pa asina

mi por tuma over mi cacho “Blaky,” esey ta su nomber.”

Groeneveldt ta señala cu e cacho su nomber a wordo cambia y comercialisa pa “Khaleesi” y segun e ta splica, “loke a pasa ta duel mi, pasobra mi no ta un persona cu ta maltrata animal, mi ta stima bestia. Den total mi tin 11 cacho, conenchi, pisca, turtuga. Si mi tabata un ‘animal killer’ mi no tabatin tanto bestia na cas.”

Tambe el a sigura cu for di aña pasa y 17 di januari ultimo, el a pidi ayudo pa cu un par di cacho, unda e ta señala cu “lamentablemente mester a cuminsa mara un par, pasobra nan ta cacho cu no ta keda keto. Nan ta mucho hyper y esey ta loke a pasa. E no ta algo cu mi a haci planifica, e cacho a wordo negligisha. Mi no ta na cas hopi at all, mi a spera cu hendenan cu tabata na cas por a haci esey y cuida nan. Ta duel mi hopi con e cos a cambia y el a bira, mi curason ta lamenta di tur e sucedido aki.”

Pa loke ta trata e caminata cu varios fundacion cu ta encarga di rescata animal a haci fin di siman ultimo den honor na “Khaleesi” – manera e cacho a keda conoci – segun Groeneveldt tabata pa conscientisa pa motibo cu “tin hopi negligencia cu ta pasando den tur aspecto akinan. Ta duel mi cu a mi ta esun cu ta un figura publico, cu tur hende mi conoce, a lastra mi asina ey; OK, pero haciele ora hende no ta negligisha solamente

bestianan sino tur cos cu tin,” el a bisa.

Siman pasa tambe a bira conoci un caso di un otro cacho cu tambe a muri debi na consecucionan di maltrato y pa esaki Groeneveldt a indica cu esey ta un otro negligencia grandi. “Dicon nan no a lastra e persona ey? Dicon nan no a ponele riba Facebook y no a caba cune manera a pasa cu mi? Mi ta un hende cu ta traha duro y mi ta purba bay dilanti, nos tur tin debe y cosnan pa paga. Aruba ta dificil, pero awor a haciele mas dificil. Ban enfoca en general, riba tur nos animal cu ta den negligencia, negligencia ta pasa den tur aspecto, cu nos mayornan, cu hende grandi, cu muchanan cu ta wordo abusa; pasobra si ami ta un abusador di animal, dicon bo a bay cu un so e dia ey y no a bay cu tur?”

El a señala cu el a logra papia cu Zoey Conijn di Luna Foundation y cu Crijajo Trappers Aruba y el a duna algun cacho pa nan bay cu nan, “pero mi a pidi pa bay cu tres cu ta esun ultimo cu a bay. Esey ta e yudansa cu mi no ta compronde y mi tin otro cachonan na cas awor.”

Igualmente, Groeneveldt ta sigura cu esaki no ta e unico caso cu a pasa sino cu tin hopi mas. “Di casonan mas erg cu esey, pero pakico usa a mi, mi historia, mi cacho pa comercialisa esaki pa haci politicamente, economicamente, di tur sorto di forman. [Djis enfoca] riba e parti impor-

tante cu ta conscientisa nos ciudadanonan. Tur hende na Aruba cu e waya largo no ta bon, pero ya, nos tin cu mara nos cacho si bo no tin un luga adecua pa nan core rond.”

El a menciona cu su situacion financiero a bay atras. “Lamentablemente 95% di hendenan a cancela mi contractnan, tur sorto di cos cu mi ta haci diariamente. E ta hopi tristo cu a usa mi persona pa esaki y e noticia mes a wordo cambia pa ataca mi persona y haci cos hopi pio pa mi bida personal, cu hasta menasa di morto mi a haya di hendenan cu mi tabata yuda,” el a declara.

Manera Bon Dia Aruba a informa recientemente, autoridadnan ta bezig cu e caso aki y pa esey Groeneveldt a sigura cu “mi no sa si e ta bay asina leu, pero si ta bay asina leu ya, mi ta para p’e. Mi ta para pa loke a pasa na mi cas. Nan a drenta den mi cas sin mi permiso pa rescata e cacho, por lo menos nan por a yama mi. Tur hende ta conoce mi cachonan den bario, mi no mester a tene asina tanto y mi tabata kere mi tabata haciendo the right thing, pero el a bay fout.”

“Mesun esfuerso cu a haci, dramatisacion, cana rond y haci T-shirt, protesta y ataca mi di tur sorto di manera, mi kier sa pueblo si asina con mi ta sinti aworaki pa un fout mi a wordo haci, si asina ta haciendo cu tur otro hendenan.”

Aunke e ta sigura cu tabata su fout, sin embargo, den e potret cu a bay viral por a mira e daño den e nek di e cacho cu tabata basta grandi, pa e motibo ey a puntra: si tabatin hende na cas, manera e ta sigura, con e situacion a caba di e forma ey, cu hasta e weso di su nek tabata muestra? Pa esaki, Groeneveldt a sigura cu “den cas nos tin hendenan cu ta bin y bay, normalmente semper tin hende na cas, semper tur tabata apoya mi cu tur e animalnan, mi no por splica kico exactamente a pasa pasobra mi no tabata t’ey, e ta un negligencia y mi ta para p’e.”

Pa finalisa, el a laga como mensahe “Pueblo di Aruba ban stop di caba cu otro, ban stop di haci e situacionnan of dolor di otro hende un sensacion of politico, enfoca riba loke ta mas importante y please wak bo mes y wak bo cas.”





*Trahadonan di Departamento di Aduana Aruba a bisa ta basta***Walkout pa situacion na edificio no adecua pa trahadonan**

Ayera trahadonan di Departamento di Aduana Aruba a “walkout” pa motibo di e situacion cu nan ta pasando aden pa hopi aña caba, den un edificio cu no ta adecuado pa traha. Tanto director di Departamento di Aduana Aruba, Roderick Croes y presidente di Sindicato di Aduana Aruba (SADA), Edward Maduro, a trece pa dilanti e situacion cu tin e trahadonan hopi malcontento.

Croes a splica cu for di 2015 caba nan a muda den e edificio aki. El a recorda cu e tempo ey tabatin problema cu e edificio bieu, tabatin schimmel, bestia y diferente cos den e luga cu no tabata haciele apto mas pa e trahadonan.

SVB a traha un rapport y esaki a sali malo pa salud di hende y e ora a dicidi di busca un otro luga. Croes a indica cu no tabatin mucho luga adecuado pa nan por a traha y na final nan a muda den e luga actual, cual mester tabata algo temporario, pero ya nan ta bay haci nueve aña den e edificio aki.

El a sigui splica cu nan a informa caba di e problemanan cu tabatin. Por ehemplo den luna di januari tabatin problema cu e WC, diferente biaha tabatin problema cu e WC, pero den luna di januari el a bay over te cu trahadonan mester a bay cas. Tin problema cu e airconan tambe y aunke tin airco nobo for di dos luna pasa, toch e mesun problema ta keda cu e compresornan ta dañá.

“E edificio mes no ta adecuado pa traha. E indeling no ta bon pa traha y nos a bin haya schimmel tambe akiden. P’esey mes nos ta trahando duro pa nos por yega na un solucion pa esaki. E edificio nobo mester a cuminsa caba, pero durante tempo tabatin diferente obstaculonan cu a bin dilanti,” Croes a resalta.

El a remarca cu for di 2021 a bisa minister encarga cu nan mester muda den un otro luga pasobra nan no ta trahando den edificio aki manera mester ta. El a subraya cu e ta malo pa eficiencia y efectividad y aworaki nan a tuma decision pa cuminsa traha riba algo.



Croes a indica cu na caminda varios biaha tabatin diferente punto cu tabata stroba nan di bay dilanti, pero aworaki, segun el a splica, nan ta wak cu tin luz na caminda y el a bisa cu segun el a compronde DOW ta wardando un firma pa nan por aproba, y DWZ ta trahando riba e parti di e contract pa nan por cuminsa traha riba un edificio nobo pa Departamento di Aduana.

“Nos tin cu busca un luga miho pasobra den pasado nos tabatin caba e situacion cu nos a wak hopi edificio pero nan no ta adecuado pa traha. Den tur esunnan no adecuado nos a scoge esaki pa bin aden, menos adecuado, e tabata temporario, pero el a bira ocho, casi nueve aña cu nos ta aden caba y a yega tempo pa nos bay afo,” el a remarca.

Edward Maduro, presidente di SADA, tambe a subraya cu e situacion cu e edificio a bira “di mas” caba pasobra e mester tabata temporario, supuestamente tres aña pasobra mester a keda cla cu un edificio nobo, pero nueve aña despues, el a señala, e tereno no a wordo rosa ainda.

“No obstante esey nos tin cu bisa cu loke ta pasando aki ta inaceptable. No por ta asina cu constantemente bo ta haya situacion cu airconan ta dañá. Awe un oficina ta calor, mañan otro ta calor, despues di dos siman e otro ta calor.

Manera di bisa un wega e ta cua oficina ta calor,” el a splica.

Manera a wordo indica varios biaha caba, el remarca cu e edificio actual no ta un edificio apto mirando cu no tin niun tipo di ventilacion y ora cu airco dañá e lugar ta bira calor, benauwd y e por afecta e hendenan cu ta sufri di presion of hende cu ta sufri di un of otro malesa cu por wordo afecta den un situacion dificil.

El a enfatisa cu no ta e problema cu airco solamente, el a enfatisa cu tin un problema cu rioolering tambe. Ya caba den e aña aki, menos di cuater luna, dos biaha trahadonan a wordo manda cas pasobra WC ta bay over, sushi ta sali y e holor ta insoportabel.

“Kiermen e ta algo inhumano, no higienico sigur. E ta inhumano, e no ta na su lugar con e hendenan aki ta wordo trata pasobra ora bo ta un doño di trabao bo tin cu zorg pa bo tin un luga adecuado y mi ta bisa locual ta pasando aworaki sigur ta algo cu nos no ta acepta,” el a subraya.

Maduro a splica cu minister ta na altura y cu varios biaha nan a informa minister ariba e situacion.

El a enfatisa cu mester bin un solucion y no un solucion di pone pleister, pero un solu-

cion cu ta bisa cu e luga no ta adecua mas y cu mester cuminsa busca un caminda pa manda e hendenan di Aduana pa traha.

El a indica cu tin mas departamento di gobierno den e edificio, pero mayoria di nan a sali y a haya otro edificio cu ta mas adecuado. “E no mester ta un luga nobo pero e mester ta un luga adecua, renoba cu bo por conta cu bo ta bay traha tur dia cu no ta bay tin problema cu airco, problema cu rioolering,” el a resalta.

Maduro a menciona cu den e dianan ki awa no ta yobiendo, pero ora awa yobe duro tin un problema grandi pafo di e edificio caminda e awa di rioolering, e nivel di awa di ta subi, nan no por baha for di auto.

“Kiermen ta hopi cosnan cu tin ta pasa y bo ta bisa tiki tiki e hemchi ta yena y awe e hemchi a bay over y hendenan a bisa ta basta, nos tin cu manda un señal bisa cu nos no ta acepta esaki mas y e cos ta cu minister ta na altura di e situacion,” el a agrega.

E edificio en cuestion no ta un edificio di gobierno, e ta un edificio priva y Maduro a bisa cu segun el a compronde e huur di e edificio a subi. El a indica cu si e doño kier aumenta huur y duna e servicio asina, dos opcion tin, of e doño no kier gobierno huur

mas of e ta buscando manera di bende gobierno e edificio.

El a subraya cu hopi cos tin cu ta pasando y nan no sa te ki dia e ta caba. El a indica cu aunke e edificio ta priva, ta gobierno mester pone presion pa un solucion.

Maduro a splica cu e ta na su luga pa nan sinta cu e director, a pesar nan sa cu e no ta bay haci mucho, mas pronto posible pa papia di e asunto pasobra esey ta loke pasa den pasado na e oficina principal.

“E hemchi a keda yena te ora cu el a bay over y nos a bisa no por, ta basta. E tempo ey tabatin otro directiva di sindicato, pero mesun situacion pa problemanan. Aworaki ta otro luga pero mesun problemanan atrobe,” el a remarca.

El a expresa cu ta lamentablemente cu cada biaha ta warda te ora sindicato y su miembronan pone presion pa por bin un solucion.

“Esey no ta e manera cu un bon dunador di trabao mester mancha su departamentonan. Abo tin cu haci esey. Si abo ta sinta bon den un oficina nobo cu airco bon, cu bo sa cu e luga ta nobo no tin schimmel, bo no tin problema. Mi ta sigur cu si tin mandatario sinta ki den mi ta sigur cu e cos no ta yega asina leu,” el a enfatisa.

**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)

Angenette Figueero (closer editor)

Leo Maduro

Andreina Morillo

Raisa Montilla

Oriana Geerman

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**

accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Associated Press  
Ret Karibense  
Data Key

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800

Email: noticia@bondia.com  
aviso@bondia.com  
info@bondia.com

Website: www.bondia.com

Facebook: @bondianoticia  
Instagram: bondiaaruba

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

## Gobierno no kier resolve... Problema di migrante...?

Porfin a yega asina leu cu parlamento di Aruba a logra tene un reunion cu e ministro encarga cu Labor y migracion, encunto e tema di migrante indocumenta. Un tema cu pa varios aña regularmente ta bolbe den atencion publico pero cu no ta parce di ta avanza den nada. E atencion no ta bin solamente di banda di politica y prensa, sino tambe di organizacion cu lazo internacional cu ta atende asunto di migrante den nos region y globalmente. Den tur esey nunca a bin realmente un cambio den maneho di e tema, o mejor dicho e falta di maneho den esaki, unda gobierno, cu tin den su poder e cifranan clave cu cual por duna claridad na comunidad, semper a scoge pa tene e datonan aki confidencial, cu otro palabra: 'scondi'.

Na mas cu un ocasion e medio aki a trece dilanti cu desde mas di 30 aña pasa gobernacion di Aruba ta dispone di e datonan digital di tur stranhero cu ta drenta e pais di forma legal, sea via aeropuerto o waf. Nunca a permiti, asina leu cu nos conocimiento ta yega, pa haci uso di e datonan aki pa haya mihor vista riba e poblacion indocumenta cu tin na nos isla. Pa mayor claridad: di tur e personanan cu a drenta y nunca a sali, ta conoci tur dato personal, nomber, fam, fecha y lugar (pais) di nacimiento, nacionalidad, lugar di procedencia di emision di pasaporte, y promer adres di estadia na Aruba. Intento di empleado publico cu tabata sa di kico nan tabata papia, pa usa e base di dato aki pa formula mihor maneho, a keda obstaculiza por ehemplo pa e propio promer ministro na mando na aña 2000, na momento cu un comision preparatorio pa introduccion di AZV tabatin mester di mas vista riba e tamaño di migrante ilegal, cu ora nan ta den necesidad di cuida di salud, di tur manera ta bira responsabilidad di gobierno; esey pa tratado internacional. E promer mandatario a nenga redondamente di haci uso di e datonan aki, bao di e pretexto cu esey lo a viola derecho di privacidad di e migrante. Claro cu ningun hende a yega di tende un argumento asina ridiculo, pasobra ni nos mes como ciudadano legitimo no por tabata sa ki proteccion nos privacidad tabatin na man di gobernacion, pero na final di e asunto ningun cifra a subi mesa. Den e mas di dos decada despues nunca nos a yega di tende cu algun comision o departamento gubernamental a haya acceso na e datonan aki pa por calcula con grandi e problema di migrante indocumenta ta. Bunita cu awor di banda di un organizacion internacional cu ta asisti Aruba den e asunto di migrante aki, ta menciona un cifra di 5.000 migrante cu ta trahando, pero si otro ta desea

di bisa cu ta 10.000 nan ta, nos no tin un base pa valora ningun di e dos opinionnan aki. E tristo realidad ta anto cu parlamento ta logra yega na papia tocante e tema, pero den bashi pasobra no tin un base drechi di cifra pa sustenta esaki.

Nos tin anto mas di trinta aña den e asunto di migrante aki, cu mes tanto aña di secretismo di banda gubernamental, y nos mester kere cu awor de repente nos ta bay en berdad goza di e transparencia cu nan, tur gobierno, tabata priminti pero nunca a cumpli? Nos ta kere cu no, pasobra nos no ta mira ningun señal cu ta muestra cu e gabinete actual tin algun deseo di realmente ataca e problema aki, salvo e posicion di e ministro encarga cu labor y integracion. E mandatario aki naturalmente tin su motibo pa propone un tipo di amnistia general pa henter e grupo. Esaki lo por tin como consecuencia cu e por alza su mes te na nivel di e 'eterno salvador di migrante', y cu segun nan bira ciudadano Hulandes y tin derecho di voto, esaki por crea e base di apoyo electoral cu nunca e tabatin bao di e poblacion local. E interrogante no ta si ta legitimo pa e desea di logra esaki como politico; e pregunta grandi ta pakico esey mester sucede memey di un scuridad encunto e situacion real di e grupo aki, y sin duna mas claridad ta con ta bay ehecuta un pordon general asina pa persona indocumenta. Ta bay hacie pa Venezolano so, cu pa gran parti no ta registra como refugiado? Si no ta pone regla bon cla pa evalua e casonan, e asunto aki por hiba nos na otro ola di corrupcion den e asunto aki, cu pa tanto aña ta un di e fuentenan mayor di corrupcion, sin cu ningun dia nos a mira un maneho concreto cu ta duna confianza cu realmente ta haciendo algo pa combati e cancer di corrupcion den e proceso di permiso di estadia.

Finalmente, ta dificil comprende kico realmente oposicion kier logra den e asunto aki. E acostumbrado ritual di propone un mocion di desconfianza, a pesar cu nan tin razon cu e ministro concerni no ta parce capaz di hiba un maneho adecua y transparente, no ta yuda pa trece mas claridad den e asunto. Te ainda nos no ta tende exigencia di un moratorio di mas acomodacion turistico; no solamente di hotel y condominium, sino tambe regulacion di e mercado di loke ta e mercado di 'Airbnb'. Si nos mira kico ta pasando den otro pais unda exceso di turismo ta birando un problema, nos por mira caba kico lo bay sucede aki, y gobierno ta keda nenga di declara unda nan limite realmente ta.



# Leonardo Figaroa: Periodismo di calidad ta raporta hechos y tur banda di medaya

**Politico Leonardo Figaroa a reacciona riba comentarionan di corant Solo di Pueblo, cu a critica su ponencia den un remitido anterior, den cual Figaroa a propone cu gobierno mester duna retiro na 2mil ambtenaar.**

Tocante e propuesta di Figaroa, Solo di Pueblo a comenta: "E pregunta clave cu Figaroa no a splica ta: Unda e ta cuminda? Na cual departamento? Y con e ta bay tene e aparato publico pa sigui duna servicio?"

Tin ves ta facil pa papia coy loco, of mihor bisa; Ora bo ta pafor di Gobierno, tur cos por!"

Riba esaki, Figaroa a reacciona bisando:

Mi a drenta politica pa participa na e plataforma mas grandi cu tin na Aruba. Eleccionnan di 2025, pa por ta un simbolo di innovacion pa e hoben estudiante, hoben empresario, comercio, tatanan y mamanan di famia, pensionado y Aruba completo. E ta existi di mi como politico pa cada biaha busca hopi bon pa sa kico mi ta papia ariba dje. Esaki ta un tema cu pa mas di 5 aña mi tin ta prepara mi mes. Pa mi politica ta un arte bunita unda dialogo ta e base fundamental, debate ta e instrumento pa nos por yega na proposicionnan solido, realistico pa salvaguardia e interes y bienestar general di Aruba.

Trias politica y Prensa?

Na 2021 e tema di Trias politica tabata uno cu a bin ariba debi na e forma con no tur ora e la wordo bon splica. In "a nutshell" gobierno tin hopi poder cu Aruba su electorado ta duna gobierno door di vota durante eleccion. E voto ey ta e pilar fundamental cu nos leynan y democracia ta hustifica tur decision cu keda tuma, tur esaki ta regla den nos Staatsregeling.

- Parlamento ta legislador, esaki kermen traha ley y tambe tin e tarea di keda supervisa gobierno, tarea controlativo. Paso parlamento ta representa Aruba, a nos ta vota pa e miembronan (21 pa ta exacto) traha den nomber di pueblo. P'esey capitulo 3, Staten.

- Artículo III.1 ta bisa: De Staten vertegenwoordigen het gehele Arubaanse Volk.

-Gobierno tin e tarea ehecuto



tivo, segun ley pa ehecuto locual parlamento bis'e. Esaki ta un discusion politico pasobra den realidad e no ta sucede, pero un articulo pa un otro momento.

- Door di e tarea compleho cu gobierno a haya primordialmente riba e tema di medio ambiente, derecho social y salubridad, gobierno tambe a bira un co-legislador. Pensa riba un landsbesluit cu ta keda firma door di Ministeraad (Conseho di Minister). - Poder di huesnan, e organo hudicial ta unda e ciudadano por acudi si e ta sinti cu riba su derechonan a ser trapa. Nos tin huesnan imparcial y completamente independiente.

Esaki ta e famoso checks and balances cu tin cu percura cu e contract social cu ta e confiansa di pueblo den su representantenan ta wordo salvaguardia.

E di 4 poder den un estado di democracia

Prensa, prensa ta e voz di pueblo. Nan ta e personanan cu ta cana den pueblo, cu ta den cada momento cu pueblo y nan ta raporta y informa pueblo di Aruba tocante tur sucedido pa asina abo como ciudadano por sa kico ta pasando riba nos isla. E trabao di un periodista ta existi cu e tin cu mantene su mes na e Global Charts of Ethics, esaki ta un total di 16 punto cu tin cu garantisa cu e trabao di periodista nan rond mundo ta confiabel.

Solo di pueblo su integridad ta 0.0

Ainda e lucha contra un plataforma cu ta defende e gobierno y cu ta pensa cu por trapa riba cualkier persona pasobra nan ta Solo di Pueblo ta continua. Nan sigur a bati na e adres bon

e contexto di mi palabranan, sin puntra mi pa un reaccion, sin invita mi pa un entrevista pa asina mi por splik'e con nos ta bay yega na e cambio ambicioso aki, anto e ora ey mi lo por conclui cu no tin integridad den su persona. E lo por yama su mes un periodista? Mi ta curioso pa por wak ki diploma e tin y si e ta sigui manehonan internacional manera e Global Charts of Ethics. Un personahe populista cu tin cu sali na defensa di su gobierno, paso tin interesnan personal, economicamente mara tras di e gobierno aki.

Aruba nos tin cu existi di tur hende pa nos tin nos normanan y balor in check, di prensa nos tin un tarea mesun cos cu nan ta controla nos como politico, pa señala informacionnan incorrecto cu nan ta publica cu no ta cuadra cu e realidad. E lucha contra populismo ta conti-

nua, Aruba nos proposicion ta un contracto social politica nobo. Nos ta keda positivo cu nos ta logrando nos obhetivo: Un dialogo nacional!

Pa cu esaki, e medio a reacciona bisando: "Relaciona cu su acusacion cu nos no ta cumpliendo cu standard di periodismo of decencia o etica di periodismo, nos no ta di acuerdo cune. Nos semper a mantene integridad y obhetividad den nos cobertura periodistico y nos no a cambia nada nada di su mensahe original. Nos a publica su punto number 1, intacto. Solo di Pueblo ta sigui comprometi pa duna noticia imparcial y nos ta invita Figaroa of cualkier otro individuo pa comunica cu nos si nan tin cualke preocupacion riba nos cobertura. Hunto nos por traha pa garantisa cu tur voz ta wordo scucha na manera husto y preciso."

Aan  
Dhr. E. Croes  
Directeur Solo di Pueblo  
Santa Cruz  
Aruba



Betreft: Reactie op artikel gepubliceerd 11 april 2024

Oranjestad, 15 april 2024

Geachte Heer Croes,

Ondergetekende heeft kennis vernomen dat u een persartikel had gepubliceerd waar u enkele stellingen had genomen, althans betwist met andere karakter geschreven dan de bedoeling was dat ik aan de Arubaanse gemeenschap had willen communiceren. Een persartikel werd gezonden aan de pers d.d. 11 april 2024, waar ik het volgende punt als concrete voorstel had gegeven als oplossing om de groeiende kosten van het overheidsapparaat te verlagen.

Deze stelling luidt compleet als volgt:

"Nos proposicion ?

Como un partido social-liberal progresivo mi no ta bay gaña pueblo cu nos lo elimina tur impuesto. Aruba ta un estado di bienestar esaki kermen cu nos impuestonan tin cu keda introduci pa cubri e tarea colectivo cu gobierno tin cu percura pele. Sector priva su meta ta pa genera ganashi y no tur ora esaki ta tene cuenta cu e grupo vulnerable den comunidad. Nos proposicion ta lo siguiente:

1. Gobierno mester reduci su gastonan di personal door di saca 1500-2000 empleado for di sector publico. Crea un social vangnet pa negosha cu sector priva un transicion."

Wij begrijpen dat u als krant vooringenomenheid heeft als het komt tot stelling tegen het Kabinet Wever Croes. Ik had willen dat u als een professionele journalist contact met mij had genomen om een reactie hierop te kunnen geven voordat u stellingen publiceert met een incorrecte karakter. Tot slot wil ik u aandacht vestigen op de 'Global charter of ethics for journalists', aandacht met name op punten 1 en 2 van deze Charter. <sup>1</sup> Op 15 april 2024, te Bestuurskantoor, heb ik een persconferentie georganiseerd, waarbij een van de onderwerpen het overheidsapparaat betreft. U bent van harte uitgenodigd om kritische vragen te stellen tijdens deze bijeenkomst.

In vertrouwen op u welwillende en spoedige medewerking te kunnen rekenen, verblijf ik,

Hoogachtend,

Dhr. Leonardo R. Figaroa  
Partido Dirección Política  
C. 744-6920  
E. Pdpolitica@gmail.com

<sup>1</sup> Een kopie van de 'Global charter of ethics for journalists' heb ik ook toegevoegd als bijlage met de belangrijkste punten gemarkeerd.



## Casonan di tos ferino ainda ta halto, posible caida entre muchanan

(NLTimes)—Aproximadamente 1,800 reportahe nobo di tos ferino a ser registra den Hulanda durante e prome dos siman di april, segun Rijksinstituut voor Volksgezondheid en Milieu (RIVM). E cifranan, publica ayera, a aumenta e total pa e aña te cu 5,305, un cantidad halto compara cu e añanan anterior. Tabatin algun señal cu por tin un caida den caso entre mucha jong, ken a tabata mas afecta pa un infeccion.



E cifranan nobo for di RIVM a ta inclui hende cu por a contrata e infeccion bacteriana mas trempan. Tambe e tabata inclui informacion tocante algun individualnan cu tabata diagnostica mas trem-

pan, pero tabatin un retraso den manda e informacion pa RIVM.

Aproximadamente 50 reportahe for di e data mas recien ta relaciona na baby. Esey a trece e total pa e aña na 267 caso, di cual casi mita mester a ser hospitalisa. E malesa ta especialmente peligroso pa muchanan jong. Al menos cuatro baby a fayece como resultado di e malesa na comienso di aña, segun RIVM a anuncia mas prome. RIVM a expresa preocupacionnan to-

cante e caida den gradonan di vacunacion den e pais.

E cantidad total di casonan nobo di tos ferino entre e muchanan mas jong na Hulanda a cay despues di a yega su peak mas halto den añas. Cifranan tambe publica ayera pa centro di investigacion di salud Nivel a muestra cu dokternan ta mira menos pashente cu cuatro aña di edad cu tos ferino compara cu e simannan prome.

E centro a nota si cu e tamaño di e muestra tabata mas chikito compara cu siman pasa

como cu un organizacion cu normalmente ta colecta data for di varios oficina di dokter no por a haci esaki pa e ocasion aki. A pesar di esey, tabatin 15 caso reporta pa cada 100,000 mucha den e grupo di edad mas jong. Esaki ta en general mas halto compara cu e añanan anterior.

E cantidad di caso a aumenta un tiki pa muchanan entre 5 pa 14 aña. E total a subi for di 16 p 17 mucha pa cada 100,000, ken tabata diagnostica cu tos ferino den e ultimo simannan.

## ONU ta reporta cu e buraco den desigualdad di salud sexual y reproductivo global ta birando mas grandi

(AP)—Un estudio nobo ta bisa cu un hende muhe Africano tin 130 biaha mas chens pa muri di un embarazo y complicacionnan di nacemento compara cu un hende muhe den Europa y Norte America, segun e fondo di poblacion di e Organizacion di Nacionnan Uni (ONU) a reporta diaranson mientras e ta adverti cu e buraco den desigualdad den salud y derecho sexual y reproductivo global ta birando mas grandi.



ceso na cuido, e fondo a bisa.

Kanem a gaba algun progreso: Mas cu 160 pais a implementa leyman contra violencia domestico, y “legislacion contra sexualidad LGBTQIA+” cu prome tabata presente ampliamente, a ser anula. Awo solamente un tercer di paisnan tin leyman asina.

Mientras el bisa cu e “acuerdo mundial” a resulta den logronan asina, Kanem tambe a adverti: “Reproduccion humano awo ta birando un asunto politico. E derechonan di hende muhe, mucha muhe y hende di genero diverso ta e victima di retrasonan creciente.”

“Y asina mes, awe, e progreso ey ta birando mas slow. Por medio di hopi medida, el a para completamente,” el a bisa. “Reduccionnan anual den morto materno a para. Desde 2016, mundo a haci cero progreso pa salba hende muhe for di mortonan prevenible den embarazo y nacemento.”

E sistemanan di salud awendia ta debil,” Kanem a agrega.

“Nan a ser stroba pa desigualdad di genero, discriminacion racial y pa mal informacion.” E fondo a haci un yamado pa inversion nobo den salud sexual y reproductivo, como tambe mehoracionnan den

educacion di sexualidad, stop violencia di genero y “trece un fin na necesidadnan no cumpli pa anticonceptivo”—un problema cu a causa division den algun pais. Bao di e termino di ex-pres-

idente Mericano Donald Trump, Merca a para e fondo pa UNFPA principalmente debi na preocupacionnan tocante abortus—kitando e fondo di dies miles di dollar durante cuatro aña.

E rapport “State of World Population” di UNFPA tambe ta calcula cu casi 500 morto materno pa dia ta tuma luga den paisnan cu crisis humanitario of conflicto, y ta muestra cu hende muhe di descendencia Africano den e continente Mericano tin mas chens di muri compara cu hende muhe blanco.

“Logronan global den salud y derecho sexual y reproductivo durante e ultimo 30 aña ta ser stroba pa un berdad mahos—miyones di hende muhe no a beneficia pa via di ken nan ta of unda nan a nace,” e fondo a bisa den un declaracion.

Director ehecutivo di UNFPA, Dr. Natalia Kanem, a bisa cu e gradonan di embarazo inespera a cay cu casi un kinto desde 1990 y e grado di morto materno a cay pa mas cu un tercer desde 2000. “Pero desigualdad dentro di nos sociedad y sistema di salud ta birando mas grandi, y nos no a priorisa adecuadamente pa yega na esnan cu a keda atras,” el a bisa. Mehoracionnan den salud a beneficia mas tanto hende muhe rico y miembronan di gruponan etnico cu miho ac-

### RIPITICION FORUM - TELEARUBA

### IMPORTANCIA DI UZO CORECTO DI CHILD CAR SEAT

**CANAL 13:**  
Diabierna 19 di April 2024 – 9:00 PM  
Diadomingo 21 di April 2024 – 9:30 PM

**CANAL 23:**  
Diasabra 20 di April 2024 – 9:00 PM  
Diadomingo 21 di April 2024 – 5:00 PM



## Aruba, Corsou y Sint Maarten lo vota den e eleccion di Parlamento Europeo

(CuracaoChronicle) - **Residentenan di Aruba, Corsou y Sint Maarten cu nacionalidad Hulandes lo tin e oportunidad di vota den e eleccion parlamentario di aña 2024 Europeo. E poblacion Hulandes lo haci su voto pa un parlamento nobo dia 6 di juni e aña aki.**

Solamente adultonan cu tin mas di 18 aña pa dia 6 di juni por vota. Caribbean Nether-

lands National Office a reporta cu residentenan di Aruba, Corsou y Sint Maarten, e 3 paisnan Caribense dentro di Reino, ta rekeri di registra prome. Esaki por ser haci via e website [www.stemmenvanuithetbuitenland.nl](http://www.stemmenvanuithetbuitenland.nl). Registracion mester ser completa pa dia 25 di april. Pa fin di mei, e votadornan lo ricibi confirmacion si e registracion tabata exitoso.

Te cu dia di awe, 2,577 resi-

dente di e islanan a registra pa e eleccion di Parlamento Europeo. Mundialmente, mas di 97,000 ciudadano Hulandes cu ta biba den exterior lo duna nan voto e eleccion aki.

Stacionnan di vota lo ser habri na Oranjestad, Willemstad y Philipsburg. Pa mas informacion, Voters Abroad Team di Den Haag ta disponibel ambos via telefon y e website pa brinda servicio tocante registracion y votacion.



## E lider di partido PAR ta bisa cu HAP mester ser reorganisa pa garantisa cuida di calidad



(CuraçaoChronicle) - **Segun e lider politico di e partido PAR, Quincy Girigorie, riba dia 1 di januari HAP a habri su portanan y esaki tabata un paso necesario pa sigura e continuidad di cuida medico primario na Corsou despues di orario di trabao y den fin di siman.**

Sinembargo, ta birando aparente cu a causa di decisionnan cu e minister di salud a tuma, dokternan di HAP ta encontrando problema pa

adecuadamente acomoda e pashentnan cu presenta den un manera responsabel.

Desde e apertura di HAP, aproximadamente 3 luna atras, tabatin varios caso unda e dokternan di cas, servicionan di emergencia y pashentnan a keha tocante e manera cu HAP ta funciona y interveni, ademas di 3 caso unda individuonan a ricibi trato cuestionabel.

Segun Girigorie, pa HAP por ta berdaderamente efec-

tivo, un evaluacion rapido cu stakeholder manera CV, Departamento di Emergencia di CMC y VMCS mester ser checuta pa por sigura un fluho responsabel di experticio y conocimiento dentro di HAP. Esaki lo permiti e dokternan trahando na HAP pa continuamente desaroya nan mes y asina sigura e calidad di cuida na Corsou.

Cuida medico ta den desaroyo continuo y pa e motibo aki desaroyo constante ta un necesidad global.

## Mas di 20 porciento di scolnan Hulandes ta “inadecua”

(NLTimes) - **Mas di 20 porciento di scolnan na Hulanda ta “inadecua” den termino di calidad di educacion, Educacion Inspectorate a bisa den su rapport anual State of Education. “Den demasiado luga actualmente nos no ta ofrece e studiantenan e educacion y oportunidadnan na cual nan tin derecho p’e,” e inspectorado a declara. E scolnan aki mester siña di e scolnan cu ta haciendo un bon trabao.**

E inspectorado a investiga e calidad di educacion na 225 scol aleatorio y a haya e calidad inadecua na 182 porciento di e scolnan primario y 22.5 porciento di e scolnan secundario. Mita di e scolnan studia tambe no tabata cumpli cu e standard pa educacion den idioma, matematica y ciudadania.

E diferencia den e calidad di



educacion ta amplio entre scolnan. “Mientras un scol tin exito den logra cu casi tur estudiante ta yega e nivel pa idioma y matematica, otro scolnan ta logra esaki cu menos di mita di e studiantenan. Nacionalmente nos ta mira cu mas y mas estudiante no ta

mancha di manera suficiente e habilidadnan basico di idioma, matematica y ciudadania pa por funciona independientemente den sociedad.”

E Inspectorado tambe a trece dilanti preocupacion tocante e “escasez di docente y lider-

nan escolar.” Aki tambe, tin diferencia significante entre e scolnan.

E ta momento ma tuma accion urgente, e inspectorado a bisa, señalando cu el a trece dilanti e preocupacionnan aki pa añanan caba. Mientras cu

e mercado di labor ta un desafio pa atende, scolnan por siña di otro pa aumenta e calidad den otro maneranan.

Pa motibo cu tin varios scol cu ta logra provee un educacion di bon calidad.



## Amsterdam lo prohibi e construcccion di hotelnan nobo den e ciudad

(NLTimes) - E liderazgo politico di Amsterdam a anuncia plan di esencialmente prohibi e construcccion di hotel nobo den henter e ciudad.

Lo tin excepcionnan den e politica, e alcaldenan y consejalnan a bisa den un declaracion diaranson. Apesar di 7 aña di politica mas estricto contra hotel, dos decena te ainda ta den e etapa di plan.

Ya caba tabatin un prohibicion riba e construcccion di hotelnan nobo den varios

areadi e ciudad, henter e ciudad awo lo bira un 'no area' pa hotel nobo. Loke si lo permanece ta e regla "new-for-old" cual ta nifica cu lo permiti e construcccion di un hotel nobo si un hotel bieu na otro localidad cera.

Amsterdam lo permiti esaki solamente si e cantidad di huesped cu por acomoda keda mescos, nificando cu un hotel chikito no por keda reemplasa pa un hotel mas grandi. "E ta preferibel pa e hotel nobo ta localisa pafo di e centro. Ademas, mester tin

un mehoracion den calidad di e hotel, manera modernizacion y sostenibilidad," e ciudad a declara.

E municipalidad tin e meta di mantene e cantidad di turista cu keda den e ciudad na menos di 20 miyon anualmente. Den aña 2023, tabatin 20,665,000 huesped na hotel. Esaki no ta conta e personanan cu a keda den casnan, Bed & Breakfast of den crucero. E limite di 20 miyon persona pa aña a bini for di un peticion firma pa 30,000 ciudadano di e ciudad cu a haci yamado pa



mas control riba e sector di turismo.

"Sinembargo, apesar di e politica di hotel estricto, hotelnan nobo te ainda ta bao construcccion y un cantidad di

hotel nobo ta ser agrega. Esaki ta a causa di proyectonan cu ya caba a ricibi permiso," ademas di localidadnan cu te ainda ta designa pa hotel.

## Ciudadanonan Hulandes ta ricibi conseho di sali for di Iran



(NLTimes) - Gobierno Hulandes a adverti ciudadanonan Hulandes pa sali for di Iran asina cu nan por haci esaki di manera safe. E ministerio di asuntonan exterior a actualisa su advertencia tocante e pais diaranson, aunke den october di 2022

el a pone Iran den e lista di paisnan considera un riesgo pa biaha.

E decision di emiti e conseho aki ta a causa di e conflicto cu ta keda escala entre Iran y Israel. Un atake aereo di parti di Israel contra e mision diplomatico di Iran dia 1 di april a causa e fayecimento di 2

oficial di Iranian Revolutionary guard y 5 di nan empleadonan.

Inteligencia di paisnan den oriente siman pasa a muestra un mobilisacion cu ta aumentando di e vehiculonan di

ehercito di Iran. Esaki a causa cu varios pais, incluyendo Hulanda, a adverti tocante e posibilidad di atakenan como respuesta contra Israel.

Hulanda a emiti un codigo cora pa no bishita Israel bao ningun circunstancia pa awo.

Adicionalmente, e pais a bisa cu nan no por garantisa e posibilidad di organisa vuelonan di evacuacion pa esunnan cu dicidi di bishita of keda den e pais. E mesun advertencia a ser duna na tur persona den e 3 region Kurdo di Irak.

## Senado ta vota contra aumento di minimum loon

(NLTimes) - Manera a anticipa, un mayoria den Senado a vota contra un aumento adicional di 1.2 porciento den e minimum loon riba diamars. BBB a anuncia siman pasa cu lo vota contra e ley cu ta regula e aumento, cual ta laga cla cu no lo tin un sosten di mayoria.

BBB, VVD, SGP, CDA, JA21 y FvD a vota contra e plan. E partidonan ta preocupa cu un aumento den e minimum loon lo ta un peso demasado pisa riba e negociantenan y pa e motibo aki por pone trabaonan den peliger. BBB tambe a señala e costo halto pa e tesoreria, bijstand cu ta conecta na minimum loon y e aumento di esaki.

Minimum loon a aumenta considerablemente e añanan recien, ademas di e ahuste

semi-anual regular pa inflacion. Na comienso di e aña aki, el a aumenta cu 3.75 porciento na 13.27 euro pa ora. Apesar di esaki, varios persona cu trabaonan cu ta paga tiki ta haya dificil cubri tur nan gastonan, e comite a conclui aña pasa despues di investiga si e grupo aki ta ricibi suficiente sosten. Un di nan recomendacion tabata di aumenta e minimum loon aun mas.



## VACATURES Land Aruba



- Psycholoog (Bureau MDC)
- Werktuigkundige Cutter (Kustwacht)
- Hoofdwerktuigkundige Cutter (Kustwacht)
- Programmaspecialist Cultuur (Unesco-commissie)
- Vlieginspecteur (DLA)
- Chef financiële administratie (DAD)
- Aspirant PIW'er of Aspirant beveiligder (DGWA)
- Inspecteur Luchtruim en Luchtvaartterreinen (DLA)
- Directeur (DGWA)
- Medewerker Informatisering en automatisering (GdS)
- Accountant (CAD)
- Controleleider (CAD)

Aplica  
awe!

Sea parti di  
e desaroyo  
di bo isla

Kijk voor meer informatie op onze website:  
[hrportaal.drh.gov.aw/vacatures](http://hrportaal.drh.gov.aw/vacatures)



## Bolivia ta nenga presencia di forsa Irani na su pais y ta acusa Argentina di busca confrontacion

(AFP) – Diamars ultimo, Bolivia a acusa Argentina di tene un campaña pa genera “confrontacion” entre nacionnan, despues di scucha e declaracionnan di minister di Siguridad Argentino Patricia Bullrich, tocante e supuesto existencia di forsanan combatiente di Iran na teritorio Boliviano.

“Debi na declaracionnan robes di minister di Siguridad di Republica di Argentina, Patricia Bullrich, den sentido cu “Argentina ta na nivel maximo di seguridad,” pa supuesto presencia di forsanan combatiente di Iran na Bolivia’, den cual nan ta investigando cu nan no ta papia Spaño y tin paspoort Boliviano’ e comunicado di Relacionnan Exterior di Bolivia ta bisa, “nos ta desmenti y rechasa enfaticamente cu Bolivia ta protege su fronteranan y personanan di esnan cu ta sembra terror, inseguridad y sosobra.”

“E acusacionnan aki ta carece di evidencia of documentacion, y tampoco tin fundamento,” e texto ta sigura.




Canciyeria di gobierno di Luis Arce a destaca cu “nos ta observa cu preocupacion un campaña cu ta busca genera confrontacion entre Estadonan, gobiernonan y pueblonan Latino Americano.”

Despues di e atake Irani pa Israel, Bullrich a señala cu Argentina tin “un nivel maximo

di alerta y di seguridad” pa supuesto presencia di “for-sanan arma combatiente di Iran na Bolivia.”

Den contexto aki, Bolivia a anuncia cu den proximo oranan ta bay convoca autoridatnan diplomatico Argentino “pa duna splicacion, tocante e declaracionnan robes di e minister Bullrich.”



Gobierno di Milei ta preocupa principalmente pa e influencia di Iran den region for di un acuerdo di defensa firma aña pasa pa administracion di Luis Arce y gobierno di Iran lidera pa Ebrahim Raisi, di e cual no tin hopi detaye.

Bolivia ta e di dos pais den region cu ta reacciona na declaracionnan di e funcionario

Argentino. Anteriormente, presidente di Chile, Gabriel Boric, a anuncia cu ta bay manda un nota di protesta pa Buenos Aires, pa afirmacionnan di Bullrich tocante e presencia di movimiento Libanes Hezbollah den teritorio Chileno.

Bullrich den su declaracionnan a afirma cu “nos tin celulan di Hezbollah na Tripel Frontera (Argentina, Brazil y Paraguay). Pero ta na frontera di Bolivia na unda nos ta mira e nivel di alerta y seguridad maximo di e pais, pasobra Iran y Bolivia a firma un acuerdo. Esey a permiti e presencia di miembronan Irani di forsa Quds, forsanan combatiente cu ta integra pa forsa arma di Iran, na teritorio. Nos ta investigando si tin personanan cu no ta papia Spaño y cu tin paspoort Boliviano,” Bullrich a bisa.

Administracion di Milei ta apoya Israel den marco di atakenan cu a ricibi for di Iran cu misil y drone, e siman aki a anuncia cu a aumenta seguridad na fronteranan, pa prevencion di un potencial atake.

## Colombia: Bogotanan ta busca prestamo of credito pa por tin cuminda na cas

(Infobae) – Concejal David Saavedra a bati alarma pa e situacion economico cu Bogotanan ta enfrenta y cu ta impedi cu nan por haya e cuminda cu nan tin mester pa nan famia.

Di acuerdo cu esaki, e funcionario publico den un debate di control politico na Secretaria di Integracion Social, ta evidencia un aumento den inseguridad di alimentacion na e capital, cu ta obedece na tres problema specifico.

E dificultad pa cumpra alimento ta debi na prime luga, na falta di placa, cu ta representa 48% di e problemanan, den di dos luga, aumento di prijs di cuminda, cu ta contribui na e situacion cu 29% y den e di tres luga, e reduccion den entrada di e personanan, cu ta coresponde na 23%.

Segun e concejal, 49% di hogarnan Bogotano tin un entrada so, loke ta nifica cu

un persona di e cas ta traha y ta haya salario pa sostene su famia. Pa e mesun motibo ey hopi ciudadano mester a busca prestamo pa por cumpra cuminda. Hopi di nan ta fia placa den e negoshinan di bario y nan ta keda cu e debe, otronan ta solicita credito pa garantisa e cuminda pa famia y nan ta keda cu debe tambe, tin otronan cu ta traha den mercado informal pa por sobrevivir.

Den otro ocasion, tambe nan ta pidi cierto cantidad di placa na esnan cu ta fia placa denomina como “gota gota” cu ta prestamistanan di e bario. Di acuerdo cu Concejo di Bogota, pa hopi biaha e prestamo ta caba cu persecucion, menasa y hasta homicidio di e personanan cu a haya e debe y no por a paga back. Comerciantenan chikito y mediano tambe ta pidi e ayudo economico aki cu finalmente ta

perhudica nan.

Segun revista Forbes, Central di Abasto di Bogota (Corabastos) tin un cantidad grandi di persona dedica na negoshi aki. Normalmente, nan ta pasa y ta cobra e negoshinan pa dia of pa siman segun un bendedo informal a señala. Concejal Saavedra a splica cu na tres localidad a evidencia e indice mayor di “hamber scondi,” segun datonan di

entre 2017 y 2021, e prome ta Chapinero (entre 1% y 2.6%); e di dos ta Engativa (entre 2.8% y 7.3%) y e di tres ta Suba (entre 3.2% y 9.3%).

“Hamber na Bogota ta un realidad doloroso cu ta persisti. Nos a cita Integracion BTA na un debate di control politico na Consejo di Bogota pa solicita accionnan concreto pa mitiga e problematica aki cu ta afecta 25% di e poblacion; inflacion y falta di oferta alimentario publico ta pone a situacion pio,” e funcionario a expresa.

Ademas di esaki e funcionario a revela cifranan alarmante tocante alimentacion di muchanan entre 0 y 8 aña. A registra mas di 4.089 caso di desnutricion agudo den muchanan di edadnan aki. Segun Instituto nacional di Salud (INS) den prome 13 siman di 2024 a documenta 962 caso di desnutricion agudo den muchanan menor di 5 aña na e capital Colombiano.





## Jamaica: Segun minister di Educacion rol di tecnologia den enseñansa avansa ta crucial

**(JamaicaObserver) – E rol di tecnologia den educacion mas halto a bira mas crucial aworaki cu nunca, segun minister di Educacion y Hubentud, Fayval Williams.**

E tabata dirigiendo e ceremonia di apertura pa Dia di Investigacion 2024 di Colegio di Maestronan di San Jose na Kingston riba diamars.

Segun e minister di educacion, ta critico pa educadornan den entrenamiento brasa e herment- y plataforman digital pa mehora e calidad di educacion y amplia oportunidadnan di enseñansa pa tur estudiante.

“Nos kier pa nos futuro maestronan sinti nan mes hopi comodo ora nan drenta den nos klasnan, den e uso di tecnologia, nan habilidad pa envolve e studiantenan di manera significativo den e klasnan y pa duna nos feedback, pa bisa nos kico nos por mehora, como ministerio, den tur nos scolnan,” Williams a bisa.



E evento a tuma luga bao e tema ‘Probechando Tecnologianan Digital pa Mehora Educacion Mas Halto: Reconoce Retonan, Gara Oportunidadnan.’

Williams a apunta cu tecnologianan digital ta ofrece basta beneficio cu por transforma e experiencia educativo pa studiantenan como tambe pa educadornan.

“Di mehora experiencianan di enseñansa interactivo pa facilita colaboracion y comunicacion, tecnologia tin e poder pa revolucionar e manera cu conocemento ta ser comparti y acumula,” el a bisa.

E minister di educacion a indica cu mas leu di ta probechando efectivamente di e hermentnan digital, educadornan por crea un ambiente

di inclusivo y interesante cu ta cubri e necesidadnan diverso di studiantenan, y ta stimula creatividad pensamento critico y resolucion di problema.

Di su parti, Director di e Colegio di Maestronan, Win-some Francis, a nota cu den un era defini pa avancen tecnologico rapido, e integracion di hermentnan digital

den sector di academia a bira, no solamente beneficioso, sino imperativo.

“E dia di investigacion aki, pues, ta sirbi como un plataforma pa drenta den e bario di manera cu tecnologianan digital ta remodelando e paisahe di educacion mas halto, promoviendo experiencianan di enseñansa mehora, impulsa pa descubrimientonan di investigacion y revolucionando procesonan administrativo,” Francis a bisa.

E dia di investigacion a keda atende pa studiantenan di scolnan secundario y di enseñansa avansa di institutonan na Kingston, St. Andrew y St. Catherine.

Entre e topiconan presenta tabata e preparacion di maestronan di pre-servicio pa usa tecnologia digital den klas, e efectividad di inteligencia artificial den skirbi paragraf y e satisfaccion di studiantenan di scol Jamaicano cu enfoca di enseñansa durante e pandemia di COVID-19.

## Trinidad y Tobago: Mayornan di shete baby cu a fayece lo ricibi recordnan medico

**(TrinidadExpress) – Mayornan di shete baby cu a muri entre 4 y 7 di april na Hospital General di Port of Spain ta spera pa ricibi e recordnan medico ayera.**

Asina e minister di Salubridad Terrence Deyalsingh a bisa ayera mientras cu el a contesta un pregunta den e Senado for di Senador di Oposicion, Jayanti Lutchmedial, kende a puntra si e mayornan a ricibi e nota- y recordnan medico manera cu a wordo pidi for di hospital.

“Mi a ricibi informacion for di oficialnan di RHA noordoost cu e dossiernan tabata wordo copia actualmente y loke ta spera ta cu e mayornan lo tin nan copia na fin di e dia of pa mañan por lo menos. Esaki ta loke mi a ricibi di informacion,” e minister a bisa.

Lutchmedial a puntra tambe si e Ministerio di Salubridad a interveni of si a tuma algun accion ora cu e situacion cu a sucede a bira conoci, teniendo na cuenta cu te cu 4or di



atardi ayera, no tabata tin ningun respuesta na e correspondencia di pre-accion.

Lutchmedial a puntra si e ministerio a interveni of a tuma cualkier accion pa sigura cu no a toca, altera of destrui e notanan medico, pa asina preserva e recordnan y presenta nan na e mayornan rindiendo cuenta di e tempo cu a pasa.

Presidente di Senado Nigel

De Freitas a bisa cu e pregunta ey no ta relevante. Lutchmedial a puntra si, teniendo na cuenta cu a reporta cu e mayornan tambe a pidi recordnan datando for di januari 2024, relaciona cu e mortonan cu a sucede na e Unidad di Cuido Intensivo Neonatal (NICU), Ministerio di Salubridad ta prepara pa interveni pa sigura cu e informacion aki ta wordo revela y presenta na e mayornan.

Deyalsingh a bisa: “Cual-

kier informacion cu mester wordo revela riba conseho di abogadonan lo wordo revelá.”

Den respuesta na un pregunta urgente di Mark, Deyalsingh a bisa cu e Ministerio di Salubridad ya a envolve e Organizacion Panamericano di Salud (PAHO) pa haci un investigacion independiente.

Mark a puntra pa e composicion di e team di PAHO.

Deyalsingh a bisa cu PAHO a pidi e informacion y basa riba esaki, nan lo determina e compesion di e team pa investiga e area specifico di preocupacion.

“Pues nos no tin e composicion ainda,” el a bisa, agregando: “Ta depende di e informacion y datonan cu nos manda na nan, y despues nan lo determina cual ta e areanan di especialidad of preocupacion y nombra e personanan apropia.”

Mark a puntra si, teniendo na cuenta e doctrina di rindimento di cuenta ministerial y responsabilidad, Deyalsingh ta prepara pa bisa na Parlamento ki ora e lo presenta su renuncia.

“Mi por haci e pregunta ey?” Mark a bisa. “No, bo no por. E pregunta ey no ta permiti,” De Freitas a bisa.

Deyalsingh a bisa cu e lo kier extende un biaha mas su condolencia sincero na famianan di e shete babynan cu a fayece.



## Hugh Grant ta bisa cu el a acepta “cantidad enorme” di placa pa resolve demanda contra The Sun

(AP) - Hugh Grant a acepta un “cantidad di placa enorme” pa aregla un demanda unda e ta acusa e revista The Sun di ilegalmente monitor su telefon, pone dispositivo pa scucha den su auto y drenta su cas pa spia riba dje, e actor a bisa diaranson despues cu e areglo a keda anuncia den corte.

Grant, ken conhuntamente cu Prins Harry a demanda News Group Newspapers a bisa cu el a acepta pa motibo cu e por a keda pega cu un gasto legal grandi aunke e gana den e huicio. Bao reglanan di corte civil, e lo mester paga e costonan legal di ambos banda si e ricibi menos di e cantidad cu e areglo ta ofrece.

“Manera ta comun cu personanan completamente inocente, nan ta ofreciendo mi un suma enorme di placa pa mantene e caso aki fuera di corte,” Grant a bisa riba e plataforma X. “Hasta si tur



acusacion keda comproba den corte, toch mi lo mester cubri gasto cu ta yega te hasta 12.4 miyon dollar den gasto.”

E cantidad di e areglo no a

keda revela. NGN a bisa den un declaracion cu e no a admiti ningun culpabilidad y cu e areglo tabata den e interes financiero di ambos partido pa evita un huicio cu lo ta

costoso.

Grant y otro victimanan a acusa cu NGN, un subsidiario di e emporio di media crea pa Rupert Murdoch, a comete violacion di nan privacidad via actividadnan fuera di ley cu ta inclui contrata investigadornan priva pa scucha nan yamadanan, pone dispositivo pa scucha den nan vehiculo y usa decepcion pa ricibi acceso na informacion confidencial entre 1994 te 2016.

Grant a bisa den su declaracion como testigo cu e nunca no por a saca afo ken a drenta su apartamento den ana 2011. E porta a ser kibra y e interior tabata muestra manera si un pelea a tuma lugu pero nada no a ser horta. Dos dia despues, The Sun tabatin un articulo unda ta detaya e interior di su apartamento y “senalnan di un pelea domestico.”

El a bisa cu e tabata den shock ora cu un investigador priva contrata pa The Sun a revela

cu personanan trahando pa e corant a drenta su apartamento y a pne un dispositivo pa rastrea y scucha den su auto.

Grant, ken anteriormente a yega un acuerdo den un caso contra Murdoch su News of the World pa hack su telefon a bisa cu e no lo keda keto.

Grant a bisa cu e lo dirigi e placa na gruponan manera Hacked Off, cual a ser forma despues di revelacionnan di hacking den 2011 cu a causa un investigacion di gobierno contra e practicanan ilegal. Grant ta un miembro di e directiva di e grupo cu ta boga pa un prensa liber y responsabel.

Mientras News of the World a pidi despena pa e hacking di celebridadnan, politico y famia di soldaatnan fayeci ademas di un estudiante cu a fayece, The sun a resolve su casonan sin tin cu admiti responsabilidad ni culpabilidad.



### “UTV coriendo riba caminda publico sin plachi number”

Redactor di Bon Dia Aruba a mira un UTV cu ta coriendo riba caminda publico sin plachi number, aunke por parece straño cu un vehiculo di e tipo aki no tin plachi number, esey a hala atencion ya cu ta hopi accident ta pasa cu nan den ultimo tempo y esaki por ta un problema na momento di un emergencia.

Aña pasa minister encarga cu Transporte Ursell Arends a trece dilanti un maneho nobo pa e tipo di vehiculonan aki cu ta coriendo riba caminda publico pa asina garantisar e orden pa varios departamento y instancia traha hunto.

Den e caso aki por mira cu e UTV no tin plachi number loke por nifica cu su documentonan pa core no ta na ordo, algo cu pa ley no por tuma lugu.



### Ciudadanonan ta pone desperdicio di construccion riba asera publico



Situacion cu desperdicio na Aruba ta keda un reto. Tin diferente establecimiento cu ta acepta diferente tipo di desperdicio y pa loke ta desperdicio di construccion tin un establecimiento specifico cu ta tuma esaki. Pero ainda tin hende cu por ta no ta altura di esaki of simplemente ta scoge pa ignora esaki y pone tur nan desperdicio di construccion montana den forma di un sero ariba acera publico.

Esey ta e situacion cu tin aworaki na un cas den distrito di Oranjestad, den Torricellistraat na unda tin un construccion chikito andando,

pero e trahadonan of doño di e construccion aki a opta pa enbes di deshaci di tur e desperdicio di construccion di e forma corecto, a pone tur esaki montona riba acera publico. Esaki no solamente ta un mahos bista, pero e ta un peliger tambe ya cu na cualkier momento un pida bloki por cay riba caminda, stroba un vehiculo y ocasiona un accidente.

Reportera di Bon Dia Aruba a tuma contacto cu sr. Robby Rossel di Bureau City Inspector pa reporta esaki y puntra si esaki ta legal y ki accion lo tuma den e caso aki, pero no a logra ricibi un contesta prome cu e cierre di e edicion.



## Fundacion Siñami Paso pa Paso ta celebra 15 año di existencia



**Dia 7 di Mei 1999, Lic. Maria Cristina Harsveld, Logopedista a establece oficialmente Clinica Integral di Logopedia Aruba, Durante añanan a mira e necesidad pa ofrece mas servicio den forma integral pa beneficia persona cu algun discapacidad y nan famia, como respuesta na e necesidad pa ofrece mas servicio den forma integral, dia 6 di April 2009 a ser estableci oficialmente Fundacion Siñami Paso pa Paso Aruba, cu e meta pa duna orientacion y guia integral di diferente disciplina pa beneficia mucha, hoben y adulto cu algun discapacidad y nan famia.**

Durante e periodo di 2009 pa 2024 Fundacion Siñami Paso pa Paso Aruba a ofrece servicio di Psicologia, logopedia, terapia educativo, tayer di arte y psico-educacion pa mayornan. Tambe a checuta exitosamente algun proyecton cu a beneficia e grupo di meta y nos comunidad, algun di e proyecto ta: guia profesional, eco-pasco, guia pa mayornan, proyecto intergeneracional, tienda movibel, estimulacion tempran, proyecto pa muchanan cu discapacidad intelectual leve,

proyecto pa hoben cu discapacidad intelectual leve, proyecto buki di balor un tesoro pa mi bida, programan di boluntario, ferianan di salud y informacion entre otro. Tambe a logra cera algun acuerdo y convenio di cooperacion cu algun instancia local y internacional, esaki pa por ofrece un servicio di calidad halto y ta na haltura di e avancen cu lo beneficia nos grupo di meta y nan famia.

De actualidad Fundacion Siñami Paso pa Paso ta sinti orguyoso di e sosten y confianza cu ta ser ricibi door di nos comunidad y door di algun instancia / organizacion local y internacional, tambe di por conta cu un directiva y team boluntario cu ta consisti di profesionalnan den e area di; medicina, psicologia, logopedia, neurociencia organizacional y educacion. Sra. Maria Cristina Harsveld, Sra. Eva Rusz, Sra. Tiara Calvo, Sra. Yazxuly Toyo, Sra. Angelica Ayala, Sra. Rubiela Gracia y Sr. Carlos Falla.

Tambe ta un placer pa nos por traha conhuntamente cu algun instancia / scol cu ta pidi nos servicio profesional pa nan cliente / alumno cu tin

un retraso den nan desaroyo of un discapacidad intelectual leve y lo mester di un tratamiento corto "terapia" of un guia; coaching, mentoring, training, counseling pa un periodo mas largo.

Den futuro cu e sosten di nos comunidad y stakeholders nos lo sigui duna nos servicio profesional specialmente na e grupo vulnerable di mucha, hoben y adulto cu tin un retraso den nan desaroyo of tin un discapacidad intelectual leve y ta forma parti di e grupo "lage sociaal economische status Lage SES" Tambe nos a cuminsa traha riba algun acuerdo/proyecto pa amplia nos servicio den forma structural y gradual, esaki teniendo na cuenta e gran demanda cu nos ta ricibi for di e comunidad pa ricibi ayudo integral.


"Atencion integral pa un miho futuro" Den conexion cu nos 15 aniversario, den e luna di Augustus/September 2024 nos lo bay introduci e buki di balornan "Un tesoro pa mi bida" esaki lo bay ser parti na algun scolnan y centro di barrio, nos kier a duna un danki na e comerciantenan y organizacionnan cu ta colabora cu e buki.

## Aruba Lions Club su Smile Mobile poniendo sonrisa riba cara di nos grandinan



**Durante fin di siman, Aruba Lions Club su Smile Mobile tabata presente na Cento di Cuido San Nicolas, Huize Maristella na Savaneta, San Pedro Paviljoen y Sint Micheal Paviljoen.**

Esaki ta un proyecto cu Aruba Lions Club tin pa varios año caba unda ta bay drecha e planchanan di djente di e grandinan den diferente centro di cuido. Salud Bocal ta masha importante y p'esey tambe Aruba Lions Club ta tuma e proyecto aki na serio y varios biaha durante año ta sali cu e Smile mobile pa haci



e bunita gesto aki.

Varios miembro di Lions Club y Leo Club a pasa e dia ta combersa y compania nos grandinan y tambe a hiba un treat pa e grandinan.

Sigur un bunita proyecto unda cu nos grandinan a keda masha contento cu e gesto aki.

Aruba Lions Club pa mas di 75 año sirbiendo nos comunidad, keda pendiente pasobra e siguiente proyecto ta e Hungry Relief specialmente pa Dia di Mama.

**April 19 – 22**

**40% OFF\***

**PAINTS & STAINS**

**Plus 30% Off Supplies**

---

**Sale prices starting at \$52.72**

**Your neighborhood Sherwin-Williams store is right around the corner.**

**SAVANETA 326C    L.G SMITH BLVD 120**

**+297 584 7272    +297 5882211**

**BOEGOEROEI**

**+297 5877788**

\*Valid on retail sales of retail products only. Discount taken off of our list price. Sale pricing or other offers that result in greater savings will supersede this offer. Offer excludes previous purchases, gift cards, Peel & Stick Paint Samples, Multi-Purpose primers, Sketch Pad® Dry Erase Coating, ladders, spray equipment and accessories. Other exclusions may apply, see store for details. Valid at US/Caribbean/Puerto Rico Sherwin-Williams retail paint stores only. Offer valid 4/19/2024- 4/22/2024.



Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

## OPINION



*Skirbi pa Gregorio Wolff*

### Dos asunto cu ta muestra chikito, tin biaha ta bira grandi

**Un chekeo ariba e factor-  
nan cu por ta causante di  
accidentenan, algun grave  
na Kamay ta muestra dos  
asunto cu nos Gobiernon-  
an den Status Aparte, pues  
for di hopi aña caba no ta  
duna atencion na e infra-  
estructura di nos careter-  
anan. Turismo ta dicta tur  
cos y nos habitantenan no  
ta conta.**

#### **Prome ta e velocidad maximo**

Siguiendo e borchinan di ve-  
locidad maximo for di Sta-  
dion Frans Figaroa, nos ta  
haya binando nort un borch  
despues di e rotondo cu ta in-  
dica cu e velocidad maximo  
ariba e carretera djey pa Mal-  
mok, ta 80. Rediculo pa un  
carretera meimei di barionan  
hopi habita pa sernan hu-  
mano, cu casnan, negoshinan  
y tiendanan na ambos banda  
di e caminda, unda constan-  
temene tin transito di hende  
na pia y autonan cu ta baha y  
subi e carretera aki, anto au-  
tonan por corre 80.

Na e rotondo di Misa di  
Noord tin otro borch cu ta  
indica cu e maximo veloci-

dad ariba e rotondo so, ta 40.  
Pues despues di e rotondo  
ey, e borch cu 80 na Boego-  
eroei ta drenta na vigor un  
biaha mas. Na Yenyen/NG  
y prome, hopi movicion di  
hende y auto.

#### **Cadushi ta un mata protegi**

Ora bo subi google y rondia e  
lista di matanan cu ta protegi  
pa ley na Aruba bo ta topa e  
conocido Cadushi cu un  
potret indicando e mata cu ta  
crece tur caminda na Aruba.  
Pues Cadushi ta protegi y  
sigur esnan cu Kap e cadushi  
ta cometiendo un infraccion/  
acto castigable y por wordo  
castiga/multa. Maske ta dificil  
pa haya sa e castigo. Pakico e  
ta ariba lista di matanan pro-  
tegi. E ta crece tur caminda y  
hasta ta forma peliger.

Cu Cadushi como un mata  
protegi, ta duna balor nan  
loke hopi ta yama “e ECO-  
Terrorismo”.

Por ta esaki ta e motibo cu e  
cadushinan pasuit di Yenyen  
na Kamay, cual si no tuma  
accion, djis nan ta yegando e  
caminda cu por corre 80 y ta

strobando e bista den e lora-  
da ey, no ta wordo gekap dor di  
DOW o otro instancianan di  
Gobierno. Di e forma aki nan  
ta stroba e chofer o e persona  
na pia cu kier cruza y tambe e  
chofer cu mag di corre 80 cu  
su auto, yegando for di e lora-  
da. E strobamento di wak dor  
di e cadushinan aki, ta sigui  
na yuda causa accidentenan.

#### **Un yamada na e director- nan y ministronan, NOS merece un tiki atencion**

Autoridadnan competente  
alerta! Un peticion pa trece  
cambio di e ley pa velocidad  
maximo di 50 of 60 ariba e  
carreteranan cu no ta di dos via  
cada banda y cambiando e ley  
cu nos por kap cadushinan  
cu ta strobando chofernan y  
hendenan na pia pa controla  
trafico for di un distancia.  
Asina hopi accidente, tin bi-  
aha fatal por ser preveni.

Un yamada na e directornan  
di departamento di Gobierno  
concerni y tambe e minis-  
tronan concerni, pa actua pa  
preveni mas accidente.

Hopi aña caba, gobiernonan  
den status Aparte ta preocupa



solamente cu e bienestar di  
turistanan, pero ta nos ta biba  
ariba e pida baranca aki y nos  
ta e votadonan.

Pesey NOS merece un tiki  
atencion tambe.

*Skirbi pa Robert Arends*

### Stembureau mobil pa adultonan mayor



**Si nos mira e esfuerso cu  
Parlamento di Europa ta  
haci pa nos aki na Aruba  
por vota pa Parlamento di  
Europa - sin tin cu bay un  
“stembureau” - nos mester  
sinti nos “mal-trata” pa  
Parlamento di Aruba ora  
nos - “adultonan mayor”-  
pa un of otro motibo NO  
por bay “stembureau” na  
Aruba pa vota pa Parla-  
mento di Aruba.**

#### **E solucion**

Habri e posibilidad na Aruba  
pa “adultonan mayor” cu ta  
desea “vota na cas”.

#### **Con ?**

SIMPEL : bin cu “stem-  
bureau” ( nan ) mobil (=  
“stembureau” cu ta move den  
vehículo ) cu ta pasa na “cas-  
nan di cuido” y na casnan di  
“adultonan mayor” cu ta de-  
sea di vota na cas.

#### **Kico mester haci ?**


Tur “adulto mayor” cu ta de-  
sea di vota “na cas” mester  
registra su mes na CENSO  
(=kiesregister) y CENSO lo  
zorg pa e “stembureau” ( nan  
) mobil funciona manera tur  
otro “stembureau”;  
- tur “adulto mayor” cu ta  
desea di vota na cas , mester  
ta na cas ( of e no lo por vota  
) ora e “stembureau” mobil  
pasa na su cas.

#### **PARLAMENTO/GOBI- ERNO:**

asina simpel ta pa  
organisa cu tur “adulto may-  
or” cu ta desea por vota na cas  
y ehecuta su derecho di vota  
y eligi su representante den  
Parlamento di Aruba.  
Cu bon boluntad , tin sufici-  
ente tempo ainda pa organisa  
- pa e proximo eleccion-e po-  
sibilidad di “vota na cas” pa  
adultonan mayor cu ta desea.  
Pa actua sin miedo!



## Chauffeur burachi a ocasiona accidente semi-frontal cu hende herida na Sabana Basora



**Diadomingo anochi a drenta informe di un accidente cu hende herida na Sabana Basora, mesora a dirigi tanto polis como ambulance na e sitio.**

Na yegada di e patruya a bin compronde cu aki ta trata di un accidente semi-frontal unda e chauffeur di un Honda Civic a bay banda robes di caminda y a bay dal riba un Nissan Cube. E impacto tabata asina fuerte cu ambos auto a bira y a haya basta daño y e chauffeur di e Nissan Cube a resulta herida.

Na yegada di e ambulance nan a atende e victima y a transporte pa hospital. Polis a nota cu e chauffeur di e Honda ta burachi y a detene pa a core auto bao influencia y causa un accidente cu hende herida.

## Chauffeur a pega soño den drive thru di Wendys prome cu e habri



**Diadomingo mainta a drenta informe pidiendo un patruya na un fastfood restaurant na Belgiëstraat pa un asistencia, mesora a dirigi un patruya na e sitio.**

Na yegada di e patruya a bin compronde cu tin un pick-up para na drive-thru di Wendy's for di prome cu nan a habri. Ora nan a habri

tabata yam'e via e speaker pero como cu su bentana tabata full sera y glas scur no tabata sa si algo por a pas'e y pesey a pidi polis. Polis a bati duro riba e bentana y e chauffeur a lanta. A bin resulta cu e chauffeur tabata tin hopi hamber y kier a desayuna un delicioso desayuno di Wendy's pero como nan no a habri ainda ela pega soño!

## Problema cu fuel pump a pega auto na candela bao afdak


**Diadomingo atardi a drenta informe di cu tin un auto na candela na un cas na Palm Beach, mesora a dirigi tanto polis como bombero na e sitio. Na yegada di bombero ya un habitante mes a paga e candela.**

Na yegada di e patruya a bin compronde cu e fuel pump a pega e motor na candela mesora e habitante a pasa man p'e slang y a cuminsa basha awa riba e motor te paga e candela completamente.



## Varios patruya a bay veld di futbol na Piedra Plat pa evita batimento di boca despues di wega bira pelea

Diadomingo anochi manera awor a para bira un mal custumber cu despues di cada wega di futbol ta bin batimento di boca cu ta escala y tin biaha ta start un pelea pero aki tambe a start uno pero polis a yega prome cu e lo por a bira un pelea.





## Bisiñanan na Tamarijn a yuda dama ken su ex a bin causa daño na e dama y su propiedad



**Diadomingo a drenta informe di un problema cu destruccion na un adres na Tamarijn, mesora a dirigi patruya na e sitio.**

Na yegada di e patruya a bin compronde cu un ex-amigo a presenta na un cas y a causa destruccion y kier a manda e dama cu un piedra. Bisiñanan atento mesora den e oranan sagrado ey a drenta den accion y a evita e homber sigi cu su agresion y destruccion, nan a manda e homber vloer y a want'e abao te ora polis a yega. Na yegada di e patruya mesora a detene e agresor y a pidi e vehiculo di transporte pa bin busk'e y hib'e na warda di polis pa su destruccion.

El a destrui e dama su auto y a ranca e plachinan di number di auto. Awor e mester bay paga pa tur e daño causa.

## Polis a detene chauffeur burachi cu kier a bay despues di a accidenta y a hay'e cu droga den auto



**Diadomingo mainta durante cu un patruya ta riba e parkinglot di club nocturno na Noord a nota con un chauffeur ta bay sali for di e parkinglot y a dal un auto staciona, e chauffeur kier a bandona e sitio pero polis a wak**



**e y a par'e.**

E chauffeur tabata bao influencia y polis a detene. Ora cu polis a bay hala y lock e auto a mira cu tin droga den e tasnan den auto y a confisca esakinan.

## Persona tur na sanger banda di Misa di Noord a bisa cu el a haya problema cu hende

**Diadomingo madruga a drenta informe di cu tin un persona tur na sanger na e bushalte dilanti di misa di Noord, mesora a dirigi un patruya na e sitio.**

Na caminda pa e sitio a drenta otro informe di cu un persona den un pick-up a para p'e subi y tabata hibando e pa hospital. Polis a logra para e pick-up aki na Bubali. Mirando cu e ta sangrando hopi polis a pidi presencia di ambulance na e sitio cu urgencia. Eynan e victima a bisa polis cu el a haya problema cu hende entre bar club y

carwash. Polis a ripara cu ta 2 kap e tin y ningun rasca esey a pone polis duda y a laga recherche y e investigadonan tecnico y forensico bay na e sitio di e suceso banda di e botica pa inicia cu e investigacion.

Na yegada di ambulance nan a atende y a transporte pa hospital. Na e bushalte a bin enkontra cu plasnan di sanger y banda di e carwash a haya sanger y boter kibra riba vloer tambe bushalte dilanti misa unda a haya evidencianan di un tas cu droga den dje.



## Polis a bay tras di Nissan March unda 2 muhe tabata pleita cu otro den auto



**Polis mester a ranca bay tras di un Nissan March despues cu a wak dos dama ta bringa banda club na Noord, polis a logra para e auto na Alto Vista.**

Eynan mesora mas patruya a yega acerca y a bin compronde cu e dos dama cu ta ruman cu otro a haya problema unda nan guynan cu ta di Curaçao a dicidi trapa bay. Pero polis a para nan y pone nan plat, nan a comporta y duna polis tur autoridad pa controla.

Un a splica kico a pasa unda nan mes no sa dicon e dos ruman kier bringa cu otro. Nan mes a purba calma e dos dama pero sin bon resultado. Polis mester a usa man duro na e damanan pa asina nan trankilisa y sin problema a subi back e mesun auto pa bay cas.

E dos hombernan cu ta di Curaçao a keda agradecido y a duna respet na polis cu a atende cu nan. Nan no a rabia pero a elogia con polis a trata nan unda a yuda nan pa trankilisa e dos ruman muhe cu a haya clash cu otro.





Minister Ursell Arends:

## Proyecto di Agroforesteria na St. Paulus School ta Yuda Cultiva Cambio



**Den un esfuerso colaborativo entre e scol basico St. Paulus y e Ministerio di Sector Primario, un hardin di alimentacion nobo lo ser planta diasabra awor 20 di april 2024, di 7'or di mainta te cu 1'or di merdia. E iniciativa aki ta parti di un proyecto mas amplio di agroforesteria na scolnan basico, cu e meta pa inculca e importancia di autosuficiencia y plantamento bou di e siguiente generacion.**

Durante e evento, maestronan, studiantenan, y boluntarionan lo bini hunto pa planta un variedad di fruta, berdura, y simia,

simbolisando e desaroyo di un modelo educativo enfocando ariba siguridat di alimentacion y conservacion ambiental.

"E proyecto di agroforesteria na St. Paulus School no ta solamente tocante agricultura; e ta un klas interactivo. Nos muchanan ta siñando lesnan valioso tocante siguridat di alimentacion, sostenibilidad, y e importancia di cuida nos planeta," segun Minister Ursell Arends.

E dia di plantamento ta diasabra 20 di april, apenas algun dia prome cu Dia di Mama Tera, un momento dedica global-

mente na proteccion ambiental. Door di aporta na e plantamento di St. Paulus School, comunidad por celebra e dia aki cu un accion di bon boluntad. E envolvimento comunitario lo yuda planta simia cu lo crece den un futuro sostenibel pa Aruba.

Minister Arends ta extende un invitacion pa uni forsa diasabra 20 di april 2024 7'or di mainta te cu 1'or di merdia na St. Paulus School na Jim Blue Jacketstraat 2, San Nicolas. E proyecto aki ta representa mas cu solamente un actividad agricola; e ta un compromiso cu nos planeta y futuro generacionnan.

## Decadanan despues cu un especie di barbulet Mericano a disparce, un familiar cercano ta ser libera pa yena e buraco



**(AP) - Mas di 80 aña atras, un barbulet bunita yama Xerces Blue cu antes tabata bula den e duinnan di San Francisco a keda cay den extincion pa motibo cu casnan, museonan y parkenan a deshaci di su habitat, marcando e prome especie di barbulet na Merca cu a disparce a causa di desaroyo humano.**

Sinembargo danki na añanan di investigacion y tecnologia moderno un familiar cercano di e barbulet briyoso a keda reintroduci na e duinnan di Presidio National Park na San Francisco. Decenas di barbulet Silvery Blue, e familiar mas cercano di Xerces Blue, a ser libera den e habitat restaura siman pasa.

Cientificonan di San Francisco su California Academy of Sciences a utiliza e Academia su capacidatnan den secuenciamiento genetico y a analisa specimen di Xerces Blue den nan coleccion amplio pa confirma

cu un grupo di Silvery Blues na Monterey County, por yena e buraco ecologico cu Xerces Blue a laga atras.

"Esaki no ta un proyecto estilo Jurassic Park, pero e lo tin un impacto grandi," Durrell



Kapan, investigador y lider di e Academia a splica. "Silvery Blue lo actua como un remplazo ecologico di Xerces Blue, haciendo e mesun funcion den ecosistema como ambos un colega di bij y un miembro critico di e cadena di cuminda."

E barbulet iconico, ken su number a inspira Xerces Society, un fundacion ambiental cu ta enfoca riba conservacion, a stop di existi den aña 1940.

Chris Grinter, e manager di coleccion di entomologia na California Academy of Sciences, a bisa cu tur cos a cuminsa pa medio di usa nan coleccion y "tecnologia moderno, secuenciamiento di gen pa bay back na e barbuletnan cu ta

mas di 100 pa 150 aña bieu."

Mientrastanto, Presidio Trust y otro organiacionnan a traha pa restaura e barbulet su duinnan nativo, plantando 'deerweed', e mata anfitrión di Xerces Blue y Silvery Blue.

Expertonan a colecta decenas di barbulet di Silvery Blue na Monterey County, a marca nan pa identificacion den futuro y a transporta nan na San Francisco, dunando nan algun druppel di fruit punch durante e caminda.

E ekipo lo sigui monitor nan movicion usando fotografia di resolucion halto pa identifica nan marca y siña maneranan di replica e lesnan di regeneracion di habitat cu a siña, oficialnan a comenta.





**(AP) — Presidente di El Salvador, Nayib Bukele a libera tata di un futbolista Salvadoreño for di prison, despues cu e atleta a publica un suplica pa su liberacion riba rednan social, segun autoridadnan a confirma ayera.**

Marcelo "El Chiky" Diaz,

kende ta hunga pa team nacional di El Salvador, a publica un carta riba X diamars, bisando cu polis a aresta su tata pa eror como sospechoso di ta miembro di un gang, mientras e tata tabata na caminda pa mira su yiu hunga dia 30 di maart. Diaz a haci un suplica directo na Bukele, kende tin un control firme

riba poder despues di a keda reeligi na februari a pesar di un prohibicion riba reeleccion.

"Den number di su persona, mi mes y henter nos famia, nos ta pidi bo for di fondo di nos curason pa drecha e eror aki y pa mi tata por bolbe cas, na su rutina, na su trabao y cu su famia," segun e futbolista, kende a sigura cu su tata ta un homber cu nunca tabatin problema cu ley.

Aresto di tata di Diaz ta parti di un accion mas grandi contra gang na e nacion Centro Americano cu a gana Bukele un popularidad enorme, pero tambe a duna impulso na acusacion di abuso masal di

derechonan humano.

Despues di un ola di violencia di gang dos aña pasa, na maart 2022 Bukele a anuncia un "estado di emergencia," suspendiendo hopi derecho constitucional clave y cerando casi 80mil persona – mas cu 1% di poblacion Salvadoreño – kende gobierno a bisa tabata sospecha di ta miembro di un gang.

Frecuentemente ta aresta hende cu tiki evidencia di laso na gang, y ta cera nan den prison describi como camara di tortura cu tiki acceso na un proceso debido. Na januari, vice-presidente Felix Ulloa a bisa Associated Press cu gobierno a "comete eror" den

aresta hende cu no a comete crimen. El a bisa cu alrededor di 7mil persona aresta bao di estado di emergencia desde e tempo ey a keda den libertad.

Familiarnan hopi biaha ta pasa añas sin mira nan sernan keri, pero ayera – un dia despues cu e futbolista a post e carta riba rednan social – autoridadnan a confirma cu a libera su tata.

"Danki na tur hende, pero principalmente na Dios pa ta un Dios di husticia," Dias a skirbi ayera riba X. "Mi tata ta na cas. E ta bon, e ta saludable, el a wordo trata bon. Mi solidaridad cu tur famia cu ta pasando den situacionnan similar."

## Directiva 2024 di FEDEVETA Aruba

**Recientemente, a tuma lugar e Reunion General di FEDEVTA. Na e reunion aki a toca varios tema y tambe a propone e directiva diario di 2024.**

E 3 persona cu a postula nan mes tabata: Ernst Mohamed, Josette Maduro y Ive Samingoen. Den nan prome reunion a wordo acorda cu lo dirigi e Directie como 1 team aunke como statuut lo fungi como e posicionnan ta poni.

Asina e Directiva di FEDEVETA ta consisti di:

Presidente Ernst Mohamed, Vice-Presidente/ Secretaria General – Josette Maduro, y Penningmeester Ive Samingoen.

E Directiva ta hopi motiva y como meta pa avor lo propone na Directiva general: Un Campeonato 2024, Update di statuutnan, diferente comisionnan entre otro.

Ta desea e Directiva hopi exito pa 2024! Riba potret por mira e directiva di 2024 di FEDEVETA Aruba.



## Ta anticipa cu team Olimpico di Hulanda lo konkista 38 medaya na Paris

**(NLTimes) – Faltando 100 dia prome cu Olimpiada di Berano na Paris, NOC\*NSF oficialmente a cuminsa e countdown. Agencia di data di deporte, Gracenote ta spera un record di 38 medaya – 18 oro, 5 silver y 15 brons – pa e team Hulandes, poniendo Hulanda na di cuatru lugar den e pronostico, segun NOS ta reporta.**

A pesar di guerra na Ucrania y Medio Oriente, y preocupacion pa atakenan terorista rond di e Weganan na Paris, Andre Cats, director deportivo top na asociacion nacional di deporte NOC\*NSF, ta anticipando e weganan di berano cu confiansa completo. "Mi no por nenga cu nos ta deal cu un menasa terorista na Paris. E ta existi. Pero esey tabata e caso na tur Olimpiada na un grado menor of



mayor," Cats a bisa NOS. "Gobierno Frances ta tuma e aspecto di seguridad increíblemente na serio. Nos tin garantia cu e Francesnan

ta bay haci tur loke nan por pa organisa e weganan di berano di manera safe."

Aproximadamente 280 atleta

Hulandes ta bay competi den Olimpiada na Paris entre dia 26 di juli y 11 di augustus. Cats ta optimista pa cu chens di TeamNL. "E posicion ini-

cial ta bon. Como deporte Hulandes, nos tabatin un aña pre-Olimpico tremendo."

Resultadonan di Olimpiada na Tokyo ta sirbi como blueprint pa Paris. Na Hapon, TeamNL a haci 188 start den varios deporte y a keda riba podium den 19 porciento di caso. E atletanan Hulandes a trece 26 medaya cas: 10 oro, 12 silver y 14 brons.

Pa pone tur Hulandes entusiasma tocante Olimpiada, NOC\*NSF ta contando e dianan prome cu ceremonia di apertura riba mas cu 2,500 pantaya na centronan comercial, supermercado, pompstation y treinstation. "Nos ta spera di curasha Hulanda, specialmente mucha y hoben, pa bira involucra," CMO di NOC\*NSF, Baukje ter Huurne a bisa.



## Programa Piloto KIES pa muchanan entre 6-12 aña

Plan di Mayor kier introduci e programa piloto di KIES pa muchanan entre 6-12 aña di edad. Plan di Mayor Aruba ta ofrece e servicio di KIES (Kinderen in een Scheiding). KIES ta un programa cu ta existi na Hulanda desde 2002.

Actualmente, tin 38 KIES coaches na Aruba. Esaki ta un programa di intervencion unda guia y yudansa di profesionalnan ta wordo brinda na mucha y hoben cu tin necesidad di wordo scucha y kier papia tocante e tema di divorcio of separacion di nan mayornan. E programa aki ta duna e mucha cu a yega di pasa of cu ta pasando den divorcio/separacion di e



mayornan, e oportunidad y e espacio pa ta den un ambiente sigur cu otro muchanan pa asina por procesa e experiancia di pasado of esunnan actual. E trayecto ta consisti di 10 sesion, unda cu 8 di e sesion-

nan ta wordo dirigi pa 2 KIES coach cu un grupo di 10 mucha. E programa piloto di KIES ta pa muchanan entre 6-12 aña di edad. E lo cuminsa na luna di Mei 2024, lo tuma lugar na MFA St. Cruz y lo ta comple-

tamente gratis. Pa por registra pa e programa, e mayor of mayornan di e mucha por yena e formulario aki: <https://forms.gle/CiH-MXmQw9jBKsiny9>

Edad pa Participa: 6 - 12 aña  
Localidad: MFA St.Cruz  
Fecha: \* Lo cuminsa den luna di Mei (fecha concreto lo wordo anuncia despues)

## Ta invita comunidad asisti na e charlanan informativo riba e tema di abuso di menor


**Relaciona cu Luna Nacional Contra Abuso di Mucha, luna di conscientisacion, Fundacion Mi Voz ta bo Voz, Comision Nacional di Abuso Sexual di Mucha y Gobierno di Aruba ta presenta charlanan informativo: Conscientisacion y Prevencion di Abuso di Mucha. Prome Minister Evelyn Wever-Croes ta invita comunidad en general pa asisti na e charlanan informativo, pa asina engrandec nan conocimiento y tin e oportunidad di haci pregunta riba e tema di abuso di menor.**



















E anochinan informativo aki lo cuminsa di 7or PM y termina pa 9or PM y lo tuma lugar riba e siguiente fecha y





localidadnan di MFA durante luna di april:

- Diahuebs 18 di april, MFA Paradera
- Diahuebs 25 di april, MFA Santa Cruz
- Diamars 30 di april, MFA Savaneta

E oradornan cu lo brinda informacion e anochinan di charla ta profesionalnan na Aruba cu ta trahando cu y tratando casonan di abuso di menor den nan diferente arcanan di trabou. Tambe lo brinda informacionnan clave riba con pa reconoce e señalnan di abuso sexual di muchanan; e impacto riba e victima y famianan; y con cada ciudadano por hunga su parti den prevencion y intervencion.

Resultado Sorteo April 17			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6800	1249	1154	8108
3795	1077	SUPER5	1058
8071	3986	-	0964

MERDIA	ANOCHI		
 Sorteo # 4241 2715 2864 5952  X2  Sorteo # 4241 9529  X2  Sorteo # 2297 0469  Sorteo # 4241 3371 Tauro  Sorteo # 1115 449  FP	 Sorteo # 8221 1669 3862 2158  X2  Sorteo # 7265 7318  X2  Sorteo # 1970 9498  Sorteo # 6024 2424 Cancer  Sorteo # 954 687  X2	 Sorteo # 2485 0 x Jackpot 1 x Match 4+ 7 x Match 4 118 x Afl. 12,00  Sorteo # 6447 0 x Jackpot 7 x Match 4 111 x Afl. 8,00	05-18-19-24-31 Joker 10 Letter A Proximo Jackpot 220.000,- 21-24-25-26-28 Proximo Jackpot 64.000,-

 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 370.000,- Afl. 470.000,-
 Sorteo #     	
 Sorteo #     	

### King Classic Sudoku

				8	3	9	6	
	1		9					
	8			5			3	
	6	8					2	9
	9				4			
		2		6		8		4
	3	1			7		5	
			3					
		6	2	4				3

Difficulty: ★★★

4/18





**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

**Fundacion Autismo  
Aruba**

Irenestraat 21 Aruba  
297-588-1179

**Fundacion Pa Nos  
Muchanan**

Cumana 2 Aruba  
297-583-4247

**Fundacion Tel Pa  
Hubentud**

Wilhelminastraat 19  
Aruba  
297-588-6138  
**Koningin Wilhelmina  
Fonds**  
Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

**Rode Kruis Aruba**

Pedro Gallegostraat 14  
Tel: 297-582-2219  
Fax 588-3376

**Famia Planea (SBVO)**

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

**Stichting Fundacion  
Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)  
Tel: 736-2952 or  
593-7081

**Dokter na warda**

**Oranjestad San Nicolas**  
**Hospital Imsan**  
7:00 pm / 10:00 pm 24 ora

**Botica na warda**

**Oranjestad: San Nicolas:**  
del Pueblo San Lucas  
Tel. 582 1253 Tel. 584 5119

**EMERGENCIA 911**

**POLIS**

**Oranjestad 100**  
**San Nicolas 104**  
**Santa Cruz 105**  
**Noord 107**  
**Tip Line 11141**  
**Brandweer 115**  
**Ambulance 911**  
**Hospital 527-4000**  
**Imsan 524-8833**  
**Warda Costa 913**  
**Seguridad Nacional 11911**  
**Cruz Cora 582-2219**

**BOTICA**

**Aloe 584-4606**  
**4 Centro Medico 584-5794**  
**Central 585-1965**  
**Dakota 588-7364**  
**Del Pueblo 582-1253**  
**Eagle 587-9011**  
**Kibrahacha 583-4908**  
**Maria 585-8145**  
**Di Servicio Noord 586-4606**  
**Oduber 582-1780**  
**Paradera 588-6638**  
**San Lucas 584-5119**  
**San Nicolas 584-5712**  
**Santa Anna 586-8181**  
**Santa Cruz 585-8028**  
**Sero Preto 584-4833**  
**Trupial 583-8560**

**UTILIDAD**

**Setar 117**  
**Web 525-4600**  
**Elmar 523-7147**

**FUNERARIA**

**Aurora 588-6699**  
**Royal Funeral H. 586-4444**  
**Ad Patres 584-2299**  
**Olive Tree 584-8888**

**Servicio di Taxi**

**Aruba Transfer Tour &  
Taxi C.A.**  
Tel: 582 2116 / 582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024

## E soño di un mucha y e mascota cu e tabata kier ta bira un sensacion online

(AP) - E unico cos cu Cal Clifford di 9 aña tabata kier desde chikito ta un pulpo como mascota.

E mucha homber su famia na Edmond, Oklahoma, a purba cumpli su deseo cu popchinan di e bestia, sinembargo mientras Cal tabata crece, el a keda cla cu e unico cos cu lo cumpli su deseo ta e bestia real.

Cal su tata, Cameron Clifford, a investiga e posibilidad cu un tienda di bestianan acuatico local y den poco tempo Terrance, e pulpo di e tipo two-spot conoci como bimac, tabata bibando den su acuario na e cas. "Nos ta gusta encurasha e interes di nos muchanan," Clifford a conta. "E ta algo magico pa mira un mucha cumpli su deseo. Cal ta enamora cu e mundo marino y di naturalesa desde cu e tabata un baby."

Un saga na TikTok a cuminsa cu e tata ta conta e storia di "Terrance the cephalopod, usando un acento Britanico genera pa e red social. Eventualmente, miles di persona tabata siguiendo e storia.

Dentro di simannan, e storia a trece un sosrpesa ora cu a revela cu Terrance en realidad ta un muhe y cu el a caba di pone 50 webo cu e famia inicialmente a asumi no ta fertilisa. Varios siman despues, varios pulpo bay a cuminsa sali for di e webo y a ricibi nombenan manera Rocket larry, Squid Cudi, Swim Shady, Jay-Sea y Sea-Yonce.

Cal a cuminsa yora ora cu su tata a bise cu e acuario local a informa cu adopta un pulpo ta posibel. Ambos hunto a



busca kico lo ta necesario, a scohe un taki y sistema di awa ademas di segura cu nan lo por tin cuminda pa e bestia.

E famia su yiu mas chikito Lyle y e mama Kari tambe a uni na e proyecto den nan mesun manera. Un amigo di e famia cu ta cientifico di reptil tambe a duna su sosten

y conseho.

Mientras pulponan femenino usualmente ta muri pronto despues cu nan pone webo, Clifford a bisa cu Terrance ta bibo ainda 4 luna despues. El a conta cu e famia a siña hopi di e experiencia. "Ademas di e rekisitonan financiero, fisico y emocional di tin un especie manera un bimac, bo ta siña hopi di bo mes den e proceso," Clifford a expresa na su siguidonan riba TikTok. "Bo lo siña cosnan nobo y conoce hende increibel y bo lo siña cu bida salbahe ta magnifico, pero mas cu tur cos, bo lo siña stima un pulpo cu no ta asina chikito manera Terrance," el a agrega.

## Pronostico di tempo

**Tempo:**

Parcialmente nubia cu un awasero pasahero te breve.

Temperatura maximo 33 grado Celsius.

Temperatura minimo 27 grado Celsius.

Indice di calor (heat index) den y rond di oranan di merdia: 34 pa 39 grado Celsius.  
UV index: 12

Bahada di solo: 6:52pm.  
Subida di solo: 6:26am.

**Biento:**

Moderate te basta fuerte for di direccion oost;  
Forsa 4 te 5 (20 te 39 km/ora, 11 te 21 nudo).  
Durante di dia fuerte den rafaga;  
Forsa 6 (40 te 50 km/ora, 22 te 27 nudo).

**Situacion general di tempo:**

Extension di e area di presion halto riba Atlantico lo mantene un biento modera te basta fuerte y fuerte den rafaga. Humedad disponible



den region por induci un yobida pasahero den oranan di marduga y mainta Trempan.

Mal aleu por bisa cu stof fini di Sahara lo bolbe drenta area di Caribe den e di dos mita di siman. Esaki lo stroba e visibilidad un poco y produci un aire di calidad abou. Personanan cu alerggia of sensibilidadnan respiratorio mester tene esaki na cuenta.

**Condicion maritimo/ estado di lama:**

Na partinan proteje di costa: keto, rond di 1 pia.  
Na partinan zuid: trankil, entre 1 pa 2 pia.  
Na partinan oost te noord-west di costa: modera cu olanan di 4 pa 5 pia.



# Aurora


## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Ousente di e curpa y na cas serca senjor"  
2 corintionan 5:8

Cu dolor den nos curason nos ta anuncia  
fayecimento di :



**David Oswald Gomes**  
\*19 Oktober 1950 - †10 April  
2024

Na number di su :

Mayornan d.f.m :  
†John y †Esther Gomes

Rumannan:  
Elizabeth Gomes

Anita Gomes

Johnny Gomes

Michael Gomes

Primo y primanan:  
Fung-a-fat, de Nobrega y Spellen

Sobrino y sabrinanan: Gomes

Su amistadnan di entercesornan di iglesia Seed  
of Life na San Nicolaas

Su bon amiga nan di años:  
Myrna Vrolijk Illidge

Miladis Quandt

Maritza Silier

Acto di entierro lo tuma lugar diabierna 19 di  
april 2024 na Pray Funeral Home di 2:00  
pa 4:00 pm, despues lo sali pa Santana centraal  
na Sabana Basora

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Dios ta amor... y amor ta Dios,  
maske mi no ta na mundo aki,  
tur dia lo mi ta banda di boso Curazon'.

"Mi por stens di loke Dios ta haci"  
Salmo 33

Cu dolor na nos curazon, nos ta participa  
fayecimento di nos ser stima:



**Filomena Maria Arends- Semeleer**  
Cariñosamente yama "Mena", "Mama Mena"  
\*05-10-1946 - †14-04-2024

Na number di:

su mayornan den feliz memoria:  
Prudencio Semeleer y Maria Antonia Semeleer-Croes

su kerido esposo:  
Pedro Arends

su yunan stima:  
Gilbert Arends & Milka Vrolijk  
Patrick Arends & Zuly Luidens

su nietanan stima:  
Zurainy Arends  
Aixa Arends

su bisanieto stima:  
Khylian Suarez Chirinos

su rumannan:  
Dalmacio (Maiky) & Martha Semeleer-Alzate  
†Catharina Isabella Semeleer  
†Gilberto Semeleer

su sobrinonan:  
Roy Alexander Semeleer  
Jaime Semeleer

su swa y cuñanan:  
Sra. Vda. Clarita Simileer-Arends y yunan  
†Sr. Juan Arends y yunan  
†Sra. Maria Kelly-Arends y yunan  
Sra. Theresita Arends y yunan  
Sr. Vicente Arends y yunan  
†Sra. Annie Blanco-Arends y yunan

su iha stima:  
Dolorosa (Doke) Kelly-Ridderstaat y famia

su ayudantenan y bon amiga:  
Zr. Ita Ridderstaat y Theresita Arends

su bon amiga di cas Sra. Margaritha Semeleer,demas  
amistadnan di Grupo Kawara y tur su bon bisñanan.

Tur su prima y primonan, comer y compernan, ex-coleganan  
di San Pedro Hospitaal y dr. Horacio Oduber Hospitaal.

Demas famianan: Semeleer, Arends, Croes, Tromp, Vrolijk,  
Luidens, Alzate, Blanco, Kelly, Ridderstaat, Figaroa, Flanegin,  
Franken, Simileer, Faro, Winterdaal.

Nos ta pidi nos mas sincero disculpa si den nos tristeza nos  
por a lubida number di algun famia, amigo of conoer.

Acto di despedida lo tuma lugar diahuebs 18 di April 2024 di  
2'or pa 4' or di atardi na Aurora Funeral Home. Despues di  
respons lo sali pa santana Catolico na Noord.

Alavez ta pidi pa bin bisti na color alegre, door cu nos defunto  
stima semper tabata un persona alegre.

Nos ta participa cu lamentablemente despues di entierro di  
nos defunto stima nos no ta tuma bishita di condolencia na  
cas.

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

"Señor ta mi wardador, mi no tin falta di nada.  
Den cunucu di yerba berde e ta pone mi sosega.  
E ta hiba mi na awa trankil, pa mi bolbe haña forsa."  
Salmo 23: 1,2,3

Cu hopi dolor na nos curazon pero conforme cu Dios su  
boluntad  
nos ta participa cu a fayece na Ocala Florida  
nos esposa, mama, wela, ruman, cuña, tanta, sobrina, prima  
y amiga stima



**Ivy Marcia Tang Yuk-Comenencia**  
\*05-06-1963 – †01-03-2024

Tata: †Alejandro "Indio" Comenencia  
Mama: †Adela Comenencia-Gomez  
Esposo: Ryan Tang Yuk  
Yiu: Ryan Gentle Tang Yuk y Paula Thrasher  
Nieto stima: Ryan Ivan Tang Yuk  
Yunan di criansa: Sooling Tang Yuk  
Rumico Tang Yuk  
Nieta di criansa: Cabria de Chabert  
Rumannan:  
†Gabriel "Peppy" y Alexandrina Comenencia-Blanco  
Fanny y Legenhousen "Larry" Nyack-Comenencia  
Judith y Frank Richardson-Comenencia  
Beatriz "Beata" y Luis "Gino" de Cuba-Comenencia  
Edwin "Papito" y Elvia Comenencia-Rodriguez  
Aléjandro "Niño" y Glenda Comenencia-Albertsz  
Maria "Mary" y Tirso Tromp-Comenencia  
Manera ruman: Roy y Elaine Quandus-Geerman  
Sobrino(a)nan:  
Sheldon y Marlin Nyack-Figaroa y famia  
Ghislain y Harold Grant-Comenencia y famia  
Arthur y Gennilee Comenencia-Ras y famia  
Franklin y Elsa Richardson-Rincones y famia  
Aldrin y Maaike Comenencia-Los y famia  
Javier "Derrick" Comenencia  
Julienne y Jobert Reyes-Comenencia y famia  
Rujina Comenencia y yiu  
Lugina y Ervany Machado-de Cuba y famia  
Gabriela Tromp y Andrew Croes  
Omonan: Joaquin "Quincho" Comenencia y famia (Colombia)  
Carlos "Calulo" Comenencia y famia  
Tanta: Teresa Kock-Comenencia y famia  
Suanan: †Kenrick Noel y famia  
Mervin Tang Yuk y famia  
Oswald Tang Yuk y famia  
Vincent Tang Yuk y famia  
Cuñanan: †Monica Beharry y famia  
Linda Jerome y famia  
Barbara Beharry y famia  
†Jackie Tang Yuk  
Patricia Tang Yuk  
Primo(a)nan na: Aruba, Corsow, Colombia y Hulanda  
Primanan stima: Jetzy de Koning-Bruges  
Ederlinda Kock  
Sonia Quandt-Gomez  
Tur su amiga- y amigonan y amistadnan stima na Aruba y su barrio  
Dakota, Ocala, St. Croix, Corsow y Hulanda  
Demas famianan:  
Comenencia, Tang Yuk, Thrasher, Noel, Beharry,Jerome, Blanco,  
Nyack, Richardson, de Cuba, Rodriguez, Albertsz, Tromp, Kock,  
Violenus, Figaroa, Grant, Reyes, Ras, Rincones, Los, Machado,  
Croes, Neuman, de Koning, Quandt, Bitorina, Irwin, Ramtharak,  
Beke, King, Jeroe, de la Cruz, Lispier, Hodge, Castillo, Castillejo,  
Ras, Quandus, Porino, Franken, Geerman, Herts, Dania, Tromp,  
Nuboer, Sneek, Steenen, Rafael, Lake, Becker, Martis, Pablo,  
Schwengle.  
Na corsow: Marlene Comenencia y rumannan y famia  
Randy de Lannoy y famia  
Famia Jacobus  
Famia Curiel  
Na Colombia: Comenencia, Gomez, Elias, Bruges, Scott, Alzamora,  
Granados, Freyle Villar  
Acto di condolencia y ceremonia di despedida lo tuma lugar na  
Parokia Birgen di Fatima na Dakota, diasabra 20 di April 2024 di 9:30  
pa 11:30 di mainta.. Despues ta sigui pa su ultimo lugar di sosiego na  
Santana Central Sabana Basora.  
Despues di entierro nos no por ricibi bishita di condolencia na cas,  
nos ta pidi comprension pa esey.

Si acaso den nos tristesa nos por a lubida algun famia, nos ta pidi nos  
mas sincero disculpa.  
Enbes di flor of krans lo tin un box disponibel pa donacion pa Parokia  
Birgen di Fatima Dakota



# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Laga tur loke ta sperami ta bunita,  
laga tur locual mi encontra ta bunita,  
Laga tur locual keda atras ta bunita y  
laga esakinan termina den tur bunitesa.  
Autor: Cado Wever

Cu hopi tristeza pero conforme cu  
boluntad di Dios, nos ta participa  
fayecimento di:



**Joseph Daniel Harms**  
Mihor conoci como "Nel"  
\*13-10-1940 - †16-04-2024

Na number di su:

Yiunan na Hulanda:  
Nelsito, Claudia y yiunan  
†Mirlando, Sandra y yiunan  
Noraima, Mark y yiunan

Ruman:  
Roland "Joy" y Eulogia "Betty" Harms-Jansen

Sua:  
Viudo Luis Horacio Oduber

Sobrino- y sobrinanan, primo- y primanan

Amigo/Ruman/Caretaker: Albert "Jottie" de Cuba

Demas famia-, amigo- y conocirnan na Aruba,  
Corsow y Hulanda.

Acto di entierro lo tuma lugar diabierna 19 di  
april 2024 di 9'or pa 11'or di mainta na Aurora  
Funeral Home y despues saliendo pa Santana  
Central na Sabana Basora.

Nos ta lamenta di no por ricibi bishita di  
condolencia na cas.

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

"Que Dios los bendiga siempre.  
Bendiciones como lluvia.  
Namaste."

Cu profundo tristeza, pero gradici y resigna  
cu boluntad di Dios nos ta anuncia morto  
di nos querido;



**Lindoro Abraham Vera Hernandez,**  
EMT  
Mihor conoci como Abraham  
\* 26-04-1962 - † 09-04-2024

Na number di su:  
Casa; Jasmine Vera - Marquez,  
Yiunan: Catherine (Luna) y Michel,  
Mama: Catharina Hernandez-Solognier vda.  
de Vera,  
Ruman: Indira Elisa Sosa-Vera,

Demas famia y amigonan.

Conforme cu e deseonan di famia nos querido  
Abraham lo wordu crema den seno intimo.

No ta ricibi bishita di condolencia na cas.

# Aurora


## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Lo E seca tur lagrima for di nan wowo y  
morto lo no existi mas. Lo no tin nada di  
rouw, nada di yoramento, nada di dolo mas,  
pasobra tur cos di antes a pasa bai.  
Rev. 21:4

A bay sosega den brasa di Señor nos ser  
stima:



**Candido Jacobo Angela**  
Cariñosamente yama "Coby of Cobito"  
\*11-10-1940 - †13-04-2024  
Drumi dushi den brasa di Señor  
Acto di entierro lo wordo anuncia despues



## Hefe di Nacionnan Uni ta bisa cu mundo ta lubidando di violencia cu ta escalando na Congo

**(AP) - Mundo ta lubidando di e violencia na Congo cu ta aumentando mientras conflictonan ta sigui den luganan manera Ucrania y Gaza, Nacionnan Uni su hefe di derechonan a bisa diaranson mientras bishitando e region y haciendo yamado pa pas y sosten pa miyones di persona.**

Congo tin hopi tempo cu violencia di 120 grupo arma ta buscando control di e region su recursonan rico mientras nan ta ehecuta asesinatonan en masse. Centenares y miles di persona mester a sali for di nan hogar den lunanan recién, empeorando un di e crisisnan humanitario mas grandi den mundo. Mas

o menos 7 miyon persona mester a sali for di nan cas, varios leu di unda ayudo por yega. E crisis humanitario mester ser tuma "hopi serio" pa evita cu e ta sigui escala, hefe di derechonan di Nacionnan Uni Volker Turk a bisa despues di reuni cu personanan cu a sali for di e area cu hende na Bulengo alrededor di Goma, e region su ciudad mas grandi. E ta anfitrióna mayoria di e personanan cu mester a huy pero cada biaha ta den mas peligro di e barionan alrededor.

"Tin hopi conflicto andando rond di mundo, y tin biaha mi ta haya e impresion cu e situacion aki ta ser lubida," Türk a splica.



## Presidente Frances ta haci yamado pa sancionnan mas estricto contra Iran durante cumbre di Union Europeo

(AP)—Presidente Frances Emmanuel Macron a urgi ayera na su equivalen-  
tenan di Union Europeo pa aumenta sancionnan contra Iran mientras pre-  
ocupacion ta crece cu su  
atake riba Israel por stim-  
ula un guerra mas amplio  
den e Medio Oeste.

E remarcnan di Macron a bin durante un cumbre na Bruselas enfoca riba e atake, como tambe e guerra den Ucrania y maneranan pa aumenta e competitividad economico di e bloke. “Nos mester adapta un expande nan,” Macron a bisa di e sancionnan cu UE a pone caba riba e Republica Islamico. El a bisa cu e sancionnan nobo mester enfoca riba “esnan cu ta yudando produci e misil- y dronenan cu a usa durante e atake.”

Den un declaracion preliminar prepara pa e reunion, e lidernan ta plania pa adverti cu “UE ta cla pa tuma mas medida di restriccion contra Iran, notablemente den relacion cu vehiculonan aereo sin piloto (UAV) y misilnan.”



Tambe nan a haci un yamado “riba Iran y su representan-  
tenan pa stop cu tur e atak-  
enan y (ta urgi) pa tur partido  
eherce e control mas estricto  
y pa preveni cualkier accion  
cu por aumenta tension den  
e region.” E declaracion, cual  
AP a mira, ta un version pre-  
liminario cu por cambia ain-  
da.

Pero pa expande e sancionnan no ta un ehercicio simple. EU a pone sancion

caba riba esnan cu ta respon-  
sable pa traha dronenan cu  
Iran a bende pa Rusia pa usa  
den su guerra contra Ucrania.  
Hefe di politica den exterior  
di e bloke, Josep Borrell, a  
crea medidanan nobo.

E idea lo ta pa expande e lista  
di drone pa inclui misilnan,  
aunke no tin evidencia cu  
Iran a bende misil pa Rusia.  
Borrell a bisa cu forsan  
representante apoya pa Iran  
den Lebanon, Irak y Siria

tambe por haya sancion.

Algun pais tambe kier pone  
sancion riba hende proveen-  
do Iran cu e componentenan  
pa traha drone, pero medi-  
danan asina a haya aprobac-  
ion caba den juli 2023. Bor-  
rell a bisa cu su ekipo lo mira  
si ta expande e lista di com-  
ponente, of desaroya manera  
pa stop paisnan evita sancion.

Prome minister Belga Alex-  
ander de Croo di ken su pais

actualmente ta tene e presi-  
dencia dentro di UE, a bisa:  
“Mi posicion ta cu e Guardia  
Revolucionario Iranio mes-  
ter ta poni riba e lista di san-  
cionnan.” El a bisa cu un ac-  
cion asina “lo ta un señal hopi  
importante pa duna.”

Pero esey lo trece cune su  
desafionan legal. Pa UE por  
haci esey, Borrell a bisa, un  
pais miembro lo mester pro-  
vee evidencia cu e Guardia  
Revolucionario ta involvi  
den actonan di terrorismo  
contra dje. Pa awo, ningun a  
bin dilanti.

Merca tambe ta preparando  
sancionnan nobo enfoca riba  
e programa di Iran di misil  
y drone y entidadnan apoy-  
ando e Cuerpo di Guardia  
Revolucionario Islamico y  
e ministerio di Defensa di e  
pais, segun e consehero di  
seguridad nacional Mericano  
Jake Sullivan.

Ta anticipa cu e lidernan di  
UE lo renoba nan yamado  
pa un alto el fuego inmedia-  
to den Gaza y e liberacion di  
rehennan, “como tambe au-  
menta ayudo humanitario pa  
Palestinan den necesidad.”

## Un encuesta den Union Europeo ta muestra cu defensa y seguridad ta algun asunto clave durante e eleccion binidero

(AP)—E invasion di Ucran-  
ia pa Rusia ta prome riba  
lista den e mentenan di ci-  
udadanonan di Union Eu-  
ropeo, cu defensa y segu-  
ridad considera un asunto  
clave di campaña durante  
e eleccionnan cu lo tuma

luga den juni, segun un es-  
tudio publica ayera.

Riba nivel nacional, e defensa  
y seguridad di UE ta mencio-  
na prome den nueve pais, al  
contrario cu e sentimentonan  
cinco aña pasa ora e ultimo

eleccionnan Europeo a tuma  
luga. “E defensa y seguridad  
di UE tabata leu di ta un topi-  
co dominante den 2019, pero  
cu e invasion di Ucrania den  
februari 2022,” e ultimo edi-  
cion di e eurobarometer di e  
parlamento di UE a bisa.

E rapport, cual ta un colecci-  
on di encuestanan di opinion  
den e 27 nacionnan miembro,  
a muestra cu defensa y seguri-  
dad—hunto cu e economia y  
trabaonan—awo ta na tercer  
luga (31%) tras di pobreza  
y exclusion social (33%) y  
salud publica (32%). Cambio  
di clima y e futuro di Europa  
ta sigui tras di esakinan.

E eurobarometer tambe a  
nota cu ciudadanonan di UE  
ta pone defensa y seguridad  
como prome prioridad den  
reforsando e posicion global  
di UE, prome cu seguridad  
alimentario y agricultura.  
Mirando e proximo mandato  
legislativo, paz y democra-  
cia ta considera e balornan  
principal pa defende den e  
proximo añanan, prome cu  
e proteccion di derecho hu-  
mano, libertad di expresion y  
pensamento, y e regla di ley.

Paz ta un meta mas balora  
den Lithuania, Latvia, Estonia  
y Finlandia. Den e estadonan

Baltico, e agresion di Rusia  
riba Ucrania a resulta den al-  
gun preocupa cu nan por ta e  
proximo victima, mientras cu  
Finlandia su relacion cu Ru-  
sia a deteriora significante-  
mente debi na e miembresia  
di e pais Nordico den NATO  
y debi na e guerra entre Rusia  
y Ucrania y sancionnan rela-  
ciona cu esey.

E rapport tambe a subraya  
un aumenta di interes den e  
eleccion di juni 6 pa juni 9.  
Aproximadamente 60% di  
Europeonan a bisa cu nan ta  
interes den e proximo elec-  
cionnan Europeo, un aumen-  
to di 11 punto desde 2019, y  
71% a bisa cu probablemente  
nan lo entrega voto.

E mayoria di respondien-  
tenan a bisa cu pa vota ta mas  
importante ainda conside-  
rando e situacion global. A  
conduci e encuesta entre 7 di  
februari y 3 di maart den tur  
27 nacionnan miembro. Den  
total, a conduci 26,411 ent-  
revista.





## Atencion: Cambio di Ruta 📍 J.E. Irausquin Boulevard




Entrante dialuna 22 di april 2024 lo cuminsa cu e proyecto di reconstruccion di caminda na High Rise Hotels: Fase 1, cu lo ta e area dilanti Riu Palace Antillas.

E proyecto completo lo wordo haci den 4 diferente Fase y Fase 1 lo tin un duracion di 7 siman.

**J.E. Irausquin Boulevard lo ta accesibel solamente pa trahador y turista yega nan destinacion.**

Automobilistanan lo mester desvia riba Avenida Nelson Oduber. E desviacion lo ser indica cu borchí y baricada di trafico.



**DOW y KPA ta pidi pueblo di Aruba, tur automobilista pa tene cuenta cu e desviacion aki y e inconveniencia cu lo por surgi pa cual nos ta pidi nos disculpa y ta gradici pa e comprension y cooperacion.**